



WANTOK

Niuspepa bilong yumi ol PNG stret!

Wan Wik, Mei 19 - 25, 2005 NAMBA 1609 K1.00 long Mosbi tasol - Ausait Mosbi K1.30



Catholic Reporter bilong mun Mei




Wantok Nius - Pes 16



OCEAN BLUE

Tuna in oil Rait teist yah!



**Bogenvil Ileksen - Pes 4
Lukim nem bilong ol kendidet i resis - Pes 18-19**

Lusim PNG



GUTBAI... Ol polis manmeri bilong Australia i redi long kisim balus long Jacksons Ples Balus long Tunde moning. Planti long ol i tok lewa bilong ol i bruk long lusim ol PNG polis poroman bilong ol. *Poto: NEVILLE CHOI*

Neville Choi i raitim

OL POLIS manmeri bilong Australia husat i bin wok insait long Pot Mosbi na Bogenvil aninit long Enhens Koporesen Program (ECP) wok bung namel long gavman bilong PNG na Australia i lusim PNG long wanpela sata balus long Tunde moning.

Dispela 115 polis manmeri i lusim pinis kantri bihain long Suprim Kot bilong PNG i tok ECP i no bin bihainim Mama Lo bilong kantri.

Suprim Kot i bin glasim dispela lo bilong ECP bihain long Gavana bilong Morobe, Luther Wenge i karim hap bilong lo we i sut long imiuniti o banis long mekimsave bilong ol Australia polis manmeri i kam wok insait long kantri.

Mista Wenge yet i tok bilong wanem tru na ol Australia polis na Australia gavman i ting ol polis manmeri bilong ol i mas i gat dispela banis long mekimsave insait long PNG?

Bihain long kot i givim toktok bilong en long dispela kes, Mista Wenge i salim wanpela pas we i tok klia long as tingting bilong dispela kot salens em i mekim.

"Long tingting bilong mi yet, dispela tingting long salim 200 o 300 Australia polis i kam long PNG long stretim olgeta hevi bilong mipela em i kranks tru."

Mista Wenge i tok ol hevi we dispela ECP program i kamapim i bin klia long taim yet long wanem gavman bilong tupela kantri wantaim i bin hariap tumas long kamapim.

"Suprim Kot yet i tokaut olsem ol i no glasim gut olgeta hap bilong lo insait long dispela program, na long tingting bilong mi, dispela i soim klia ol bikpela hevi i stap insait long dispela program."

Taim nesenel gavman na Foren Afeas Minista Sir Rabbie Namaliu i tokim kantri olsem gavman bai sindaun na glasim gut ol lo aninit long ECP, gavman bilong Australia i bin salim tok pinis long rausim olgeta kar bilong ol long rot na redi long lusim PNG.

Tasol Mista Wenge i askim, bilong wanem na olgeta yet i mas lusim kantri?

"Nau em i sans bilong PNG na Australia long yusim dispela taim long lukluk long ECP gen na painim rot long stretim na kisim ol i kam bek. Tasol bilong wanem na olgeta yet i mas i go? Em ol polis opisa i stap na wok long hia bai tromoi nating bikpela hap save ol i kisim long hia pinis. Bilong wanem na ol sinia AAP opisa i no inap stap bek long PNG, lusim wok bilong ol na yusim dispela taim bilong sekim ECP plen na makim wanem kain helpim stret em RPNGC (Royal Papua Niugini Konstabulari) i mas kisim?" Mista Wenge i askim.

Em i tok ol sinia AAP polis manmeri i save gut pinis long wok bilong PNG polis na em bai helpim ol long kamapim wanpela nupela ECP program bilong polis we bai i mekim gutpela wok bikos ol lain bilong ol yet i kam stap na wok long hia i save long pasin na ol hevi i stap nau.


Lukim Pes 2 na 3 long save-moa long:

- Toktok i kam long Australia gavman
- Tingting bilong ol sios
- Ol hap bilong ECP we i no bihainim Mama Lo bilong kantri
- Wok polis i mekim long strongim wok bilong ol; na
- Tingting bilong pablik na PNG polis manmeri



IS BACK!

- * Cristal ballpens
- * Clic ballpens
- * Round Stic ballpens
- * 2 colours ballpens
- * Mechanical pencils
- * Wite Out



Starting at .77t



THEODIST LTD

THE STATIONERY SUPERMARKET

Port Moresby (Waigani Drive)
Tel: 325 6500. Fax: 325 0302
Lae (Milfordhaven Rd)
Tel: 472 5488. Fax: 472 7838

Toksave

Entri Tes bilong Senior Flierl Seminary

Evangelikel Luteran Sios long Papua Niugini i laik toksave olsem trening bilong ol Luteran Pasto long Senior Flierl Seminary bilong ol nupela entri bilong 2006 nau bai i kamap long TRINDE, JULAI 6, 2005 long ol dispela ples:

- Logaweng, Finschhafen: Senior Flierl Seminary
Lae: Martin Luther Seminary
Madang: Memorial Church
Goroka: St. John's Konfrens Senta
Ogelbeng: Hailens Seminary
Pot Mosbi: Yu ken askim long ELC-PNG Papua Distrik Opis

Bogenvil i sori...

"Mipela long Bogenvil i sori long lusim ol Australia polis i go bikos ol i wok long givim gutpela trening long ol polis manmeri bilong mipela. Mi ken wokim jenerel toktok olsem Bogenvil bai lusim gutpela helpim long sait bilong trening na strongim gut lo na oda na ol arapela wok long kamapim gutpela sindaun.

"Long sait bilong ileksen, bai mipela i no inap long kisim ol gutpela tingting na toktok bilong ol i save givim long helpim mipela long ol wok redi bilong ileksen. Long sait bilong lojistiks o trenspot samting, ol binredi long givim helpim long sait bilong helikopa, ka na komyunikesen tu. Ol i putim ol ka na helikopta bilong ol i stap sambai na sapos mipela i laikim helpim, mipela i ken singaut long ol. Tru, long stap insait long wok bilong ileksen i no tumas, bai mipela i no inap long kisim gutpela helpim bilong ol long sait bilong save na ol ka na helikopta samting. - Mathias Pihei Iktorel Menesa

Pablik autim bel sori

Andrew Molen i raitim

MOA long 100 manmeri i bin bung ausait long Gordens polis stesen long Pot Mosbi long Mande long tok gutbai na autim bel sori bilong ol long ol Australia polis manmeri pastaim long ol i lusim kantri.

Ol pipol i givim tingting bilong ol long ol sinia Australia polis opisa taim ol i laik go ausait long get.

"Mipela i no laik bai yupela i go bek, yupela i wokim planti gutpela wok na mipela ol pipol i laikim bai yupela i mas i stap," wanpela man husat i makim maus bilong ol manmeri i sanap long hap yet i tok.

"Ol PNG polis i save bagarapim mipela na planti bilong ol i no kisim gutpela skul long kamap polis manmeri," ol i tok.

Wanpela sinia Australia polis opisa i tok ol i luksave long tingting na wari bilong ol pipel na sapos ol samting i kamap orait bai ol i kam bek ken.

"Olgeta polis wok bilong mipela long hia i pinis nau na tumoro olgeta opisa bai i go bek," Hai Komisina bilong Australia long PNG Michael Potts i tok long Mande.

Wok bilong ECP polis long Pot Mosbi ns PNG i pinis nau tasol PNG polis bai wok strong yet long daunim ol hevi bilong to na oda insait long komyuniti.

"Wanpela samting tasol bai yu lukim i no wankain em bai yu i no inap long lukim ol ECP polis moa tasol olgeta narapela wok bilong polis bai stap wankain tasol,"



Ol manmeri bilong pablik i autim bel sori bilong ol long wanpela sinia Australia polisman. Ol i tokim em olsem ol i no laikim ol long lusim Mosbi. FOTO: ANDREW MOLEN

Deputi Polis Komisina Operesens, Gari Baki i tok. AAP i lusim kantri bihain long kot i painim olsem em i iligol o i no stret aninit long lo long ol i wok long PNG na lo bilong kantri bai i no i nap long holim ol.

Gavman bilong Australia i bin laikim olsem ol opisa bilong ol bai no inap stap aninit long lo bilong PNG.

Dispela i mekim sampela toktok i kamap bipo long ol i sainim tok orait

bilong dispela K2 bilien progrem tasol Gavana bilong Morobe, Luther Wenge i pait strong na winim dispela kes.

"Yumi ken lukim dispela win long kot olsem win bilong kantri na ol pipel tasol em i no min olsem kot i rausim ECP polis long PNG," Mista Wenge i tok.

Em i tok ol i ken i stap na wok yet tasol ol bai i stap aninit long lo bilong PNG olsem ol narapela manmeri.

Toktok bilong Bisop Francesco Sarego, (Bisop bilong Goroka)

"EM bai westim taim na mani long statim bek program tasol sapos i gat sampela rot we ol i ken stretim dispela hevi bilong Enhens Koporesen Progrem (ECP) na i gat nid we bai gutpela long kantri na ol Australia polis i helpim ol polis bilong yumi long kamapim gut lo na oda na daunim korapsen, i moabeta gavman i mas mekim samting. Tasol mi painim i narakain olsem tupela gavman (Australia na PNG) i no bin luksave long sait bilong hevi long ligel sait na sait bilong Mama Lo pastaim taim ol i tok oraitim dispela program. Na sapos ol polis i pilim i no amamas long ol polis i kam long narapela kantri long helpim, glasim gut na gavman i ken lukluk long em. Long sait bilong pei na kondisen ol polis man long Mosbi i bin komplek long em taim ol i skelim pe bilong ol wantaim ol ECP polis opisa bilong Australia i wok wantaim ol, Bisop Francesco i tok

"sapos ol polls i gat tru tru wari long dispela, i moabeta long gavman i harim na stream wari bilong ol. Tasol em i tok ol PNG polis i bin wok tu long ol intenesenel operesen long Vanuatu na Solomon Ailan na ol i kisim alauwens we i bikpela moa long nomol pe bilong ol.

Na sapos ol i ken glasim na skelim dispela wantaim situesen bilong ol ECP long Australia na kamap bel gut liklik," Bisop Francesco i tok.

Em i tok long ol toktok em i harim long jenerel pablik, sampela gutpela samting i kamap taim ol ECP polis i wok wantaim ol polis bilong yumi.

"Long tingting bilong mi yet, mi laikim bai ECP program i go het na insait long 6 na 12-pela mun, karimaut rivyu na lukim sapos em i kamapim gutpela samting. Sapos nogat, orait, stopim," Bisop Francesco i tok.

Glasim bilong Suprim Kot

SUPRIM Kot bilong Papua Niugini i tok sampela bikpela seksen bilong Ekt we i karamapim ECP i no bihainim Mama Lo bilong kantri.

Ol dispela seksen we Suprim Kot i glasim na painimaut olsem i no stret em:

Atikel 3.7 - We i givim pawa long ol Australia polis manmeri long holim pasim ol PNG manmeri sapos ol i asua.

Atikel 3.6 na 3.7 - We i sut long givim bilong ol pawa i go long ol Australia polis manmeri aninit long seksen 199(c) bilong Mama Lo.

Atikel 4.2 - We i givim pawa long ol Australia polis long karim gan bihainim lo bilong ol yet tasol i wok bung wantaim PNG polis.

Atikel 8.2 na 8.3 - We i sut long imiuniti o banis long mekimsave bilong ol Desiknetet/Riletet Pesens (DRP) o ol lain Australia polis, Suprim Kot i tok em i orait

aninit long Seksen 37 bilong Mama Lo, tasol pawa bilong Join Staring Komiti, komiti we i save makim mekimsave bilong ol lain husat i brukim lo i no bihainim wok bilong PNG polis na Pablik Prosekyuta.

Atikel 11.1 - We i sut long banisim ol DRP long sanap long ol PNG kot sapos ol man i laik kisim ol i go long kot. Suprim Kot i tok dispela i agensim seksen 23, 57 na 58 bilong Mama Lo we i sut long rait bilong manmeri long yusim ol kot na long kisim kompensesen long bagarap ol i karim.

Olgeta ol dispela hap bilong ECP lo i sut long imiuniti o banis long kisim mekimsave insait long kot sistem bilong PNG na pawa bilong ol Australia polis manmeri long holim na pasim ol manmeri bilong PNG. Olgeta dispela samting em Suprim Kot i tok i no wok bihainim mama lo o i pait wantaim wok bilong kot.

A COLLEGE TO CHANGE YOUR WORLD IN 2005. YOUR accredited international awards. Invest in accredited qualifications and skills to gain a successful career. Everything you need for study success is provided; Training Materials, Guide, Exams, Revision Tests, Exam, Award. Diplomas (£150/US\$300/AUS\$360). Accounts, Hotels, Tourism, Computers, Business, Management, English, Stores, Personnel, Office, Purchasing, Advertising, Marketing, Insurance, Secretary, Office Advanced Diplomas, BBA, BCom, MBA, Business, Marketing, Finance, Organization. For a FREE Prospectus/brochure contact: CAMBRIDGE INTERNATIONAL COLLEGE P.O. Box 1378, Southampton, SO17 3WX, Britain. Web: www.cambridgecollege.co.uk email: info@cambridgetraining.com Fax: +44 2380 337200. Accredited British Training & Education registered with the National Training Council & Ministry of Labour of Papua New Guinea



Atoni Jenerol i belhat

EKTING Atoni Jenerel na Seketeri bilong Jastis, Fred Tomi i tok Suprim Kot disisen we i rausim sampela hap bilong ECP Ekt i soim strong bilong jastis na kot sistem bilong PNG. Em i mekim dispela toktok long Trinde bihain long sut toktok i kamap long Australia Oposisen olsem dispela Suprim Kot disisen i kamap long bekim bek sem pasin i bin kamap long Praim Minista Sir Michael Somare long Brisben ples balus sampela mun i go pinis.

"PNG jastis sistem em i independen, olsem na wanem kain sut toktok i kamap long Australia olsem dispela disisen bilong kot em i bekim bek bilong samting i kamap long Brisben ples balus em i krarki tru," Mista Tomo i tok. Em i tok dispela sut toktok i nogat as long en na Australia i noken yusim long bagarapim nem bilong jastis sistem bilong PNG. Mista Tomo i tok ECP Ekt i bin kamap long paitim toktok namel long tupela gavman wan-

taim na ol Australia lida i noken tok olsem asua i stap wantaim gavman bilong PNG tasol. "Australia i mas onaim disisen bilong kot bilong PNG. Lukautim Mama Lo bilong PNG em i bin stap long as bilong Suprim Kot ruling, olsem na wanem kain toktok long senisim Mama Lo long luksave long ECP i wara nating," em i tok.

Papua Niugini polis strongim wok

ROYOL Papua Niugini Konstabulari (RPNCG) long dispela wik i kirapim wok bilong stretim ron na wok bilong polis bihainim polis ripot we i makim ol hap we i no ron gut. Dispela ripot i makim 61 hap insait long wok bilong polis we ol i mas stretim ron bilong en we bai i nap long helpim wok bilong polis insait long kantri.

polis, gan bilong ol polis, Polis ben. "Bikpela samting em mipela i laik painim aut wanem samting bai mipela i mas wokim pas, wanem ol samting bai wet liklik na wanem ol samting bai mipela i ken mekim bihain na givim i go long gavman long lukim," Ekt-ing Polis Komisina, Tom Kulunga i tok.

"Ol samting we mipela i nap long go het na mekim wok long em hariap em kain ol samting we mipela i no i nap lusim moni long en kain olsem stretim ol rekot na ogenaisesen bilong mipela," em i tok. Em i tok nau yet ol i kisim sampela gutpela bekim pinis long ol wok bilong ol na nau bai ol i lukluk long karim aut ol narapela.

Narapela samting Mista Kulunga i tok em long ol AAP o ol polis bilong Australia husat ol i go bek dispela wik long Australia. "Ol i gat bikpela hap

wok i stap aninit long dispela rivu ripot bilong polis na sapos ol i ken stretim ol hevi i stap namel long wok

bilong ol long hia wantaim gavman bai i gutpela long ol i kam bek," em i tok. Komisina Kulunga i tok

kain wok bilong ol long sait bilong ol skil bilong ol bai inap long helpim wok bilong RPNCG.



• TUPELA Australia polisman Sinia Sajen Clive Willan na Brad Langshaw i sanap tok gutbai long gutpela poroman bilong ol Sief Sajen John Ombeba bipo ol i kisim balus go bek long Australia long Tunde. Sief Sajen Ombeba i tok tupela poroman bilong em i bin givim bikpela helpim long em na ol opisa bilong em long komyunikesen seksen long Boroko. Tupela Australia polisman i tok lewa bilong ol i bruk tru long lusim ol gutpela PNG polis poro-

Gavman rausim bikpela forestri projek

PNG gavman na Wol Benk i tokaut aste olsem bikpela Forestri na Konsavesen Projek (FCP) nau i pinis. Tasol tupela sait wantaim i tokaut olsem ol bai go het na wok bung yet long karim gutpela devel-opmen i go long pipel bilong Papua Niugini. Bihain long 20 mun we PNG gavman na Wol Benk i wok long traim painim wanbel long dispela FCP, gavman yet i askim Wol Benk long rausim dispela projek.

Dispela FCP projek i bin kamap long 2001 na Wol Benk i bin sapatim wantaim wanpela dinau inap long US\$17.36 milien na tupela Global Environmen Fasiliti gren inap long US\$17 milien. Tasol bihain long gavman i no bin karimaut inap wok bilong stretim ol hevi insait long forestri sekta, Wol Benk i bin stopim long Septemba 2003. Nau Wol Benk i go het long rausim dispela projek.

Grasruts pipel laikim ECP

"Ol toktok mi harim long planti grasruts pipel em, planti samting i wok long kamap gut wantaim helpim bilong ol polis bilong Australia na nau ol i go, planti i no amamas. Wok na stap bilong ol ECP polis i wok long kamapim gut level bilong wok bilong ol polis fos," Mista Stephens i tok. "Long mi yet, mi bilip bikpela hevi bilong yumi em "pasin" we i mas senis. PNG olsem pipel, kantri na sosaiti i mas senisim pasin. Taim yumi lukim samting i no stret, korap pasin i kamap, yumi mas tok olsem em i rong. Na yumi ripotim i go long ol atoriti na ol i ken stretim. Wankain tu long ol polis. Polis fos i gat planti gutpela memba, tasol olsem planti arapela seksen, i gat hevi long lidasip level we ol i no etresem gut. Yumi olsem sosaiti i no wok long

givim gutpela helpim long daunim ol hevi long kraitim o ol bikpela hevi. Taim sampela polis man i wokim pasin i no stret, yumi olsem sosaiti i no mekim ol i luksave olsem samting ol i wokim i rong. Mi no save sapos ol ECP polis i ken helpim long rausim ol dispela hevi olgeta tasol mi lukim olsem tru, stap na wok bilong ol hia i wok long kamapim sampela senis. Pasin bilong yumi i mas senis, moa yet long ol pipel wantaim bikpela wok na ol i putim ol long lukautim mani bilong pablik, tasol ol i paulim na stilim mani. Ol i mas kisim bikpela mekim save." -Lawrence Stephens, Jenerel Seketeri bilong Katolik Bisops Konfrens bilong Papua Niugini na Solomon Ailans.



Helpim ol pikinini

• KPT Maintenance Kampani i wok long mekim gutpela wok long givim kaikai long samting olsem 200 pikinini long Kaugere Faith Klab na Hope Kids Ministri. Ol i givim kaikai inap long K600 mani mak i go long ol pikinini. Kodineta bilong ministri, Maria Moreva husat ol pikinini i save kolim em ma-ma i tok dispela kain donesen em i blesing. "22 pikinini i save stap long sios na kaikai tripela taim long wan wan de na ol arapela husat i save stap long haus bilong ol i save kaikai wanpela taim tasol," em i tok. Navu Vele husat i makim kampani bilong man bilong em Mape Wini Vele na i givim ol kaikai i tok em i no bin save long wok bilong ministri. Tasol ol poroman bilong em i bin tokim em olsem planti pikinini i save go long hap olgeta de.



Dispela sikret saun man long Yumi FM long olgeta moning "Kasti" mas tokaut long dispela sikret saun nau. Olgeta manmeri i hia long Papua Niugini i autim olgeta ges paia bilong ol na nogat moa ges paia i stap. Sampela i no save silip gut bikos tingting bilong ol i paul pinis. Sampela i pulim gras long het long tingim em wanem saun tru na klostu kela kamap. Kamon Kasti, Tokwin i tok, inap em inap salim dispela K250 i kam tasol na mipela i skelim.

Mosbi siti bai paia gen neks wik. Ol manmeri i save long-long, ol marun na blu siot na singlis i hait insait long kabot bai lukim san gen na ol lain husat i no save bet bai bet gen. Brata bai kamap birua bilong brata, susa bai soim sapat bilong en, na papa mama bai brukim marit long dispela namba wan gem bilong Stet Ov Orijin. Yupela redi?

Wanwok i sekim ragbi lig nius bilong Australia na em i ritim olsem ol i laik senisim Paul Fatty Vautin na Peter Sterlo Sterling long NRL Footy So. Man, ol i mas long long yal Bikpela as long en em ol lain i save lukautim Footy So i tok las wik taim ol i soim PNG long Footy So, planti manmeri long Australia i les long lukim. Em orait, sapos Australia i no laikim ol, salim ol i kam long hia.

Bikpela toktok dispela wik em long ol Australia polis i lusim PNG. Em nau ol lain husat i save salim ol samting nabaut long rot na i no save laik salim buai na smuk insait long maket i stat putim was nau. Ol i save olsem ol Australia polis i go nau em ol bai salim tru long han bilong ol polis bilong yumi.

Tasol yupela noken tingting planti tumas. Ol Australia polis i kam na ol i mas givim liklik gutpela skul long ol polis man bilong yumi. Ating gutpela tingting bai strong na ol dispela kain bikhet bilong ol polis man i mas pinis long taim yet.

Luksave i mas i go long ol bikman bilong PNG polis yet husat i wok long stretim wok bilong ol yet. Sapos yumi olgeta i gat bilip olsem mipela i gat inap strong long lukautim yumi yet, bai mipela i orait. Dispela sip bilong PNG bai brukim wanem kain hai wara i kam na kamap gut long sua.

Tingting bilong ol arapela bikman

Nesanel Kapitel Distrik Gavana Sir William Skate: "I gat rot bilong senisim na stretim ol asua insait long ECP agrimen na o arapela wok bung agrimen. Ol ejensi bilong Australia i noken yusim ol eid progrem insait long PNG olsem ol liklik gavman we i resis wantaim PNG gavman. Em bai gutpela sapos ol i lukluk long givim ol Papua Niugini manmeri sans long mekim wok trening insait long ol Australia institusen. Ol lida bilong mipela i mas painim rot bilong kamapim wanpela strongpela na mobeta wok poroman wantaim Australia."

nating. Papua Niugini gavman i wanbel long ol Australia polis i mas lusim kantri bihainim tok-tok bilong gavman bilong ol. Long sait bilong wok bilong AAP long Bogenvil, tupela sait wantaim i wok long paitim tok-tok yet long skruim helpim bilong Australia aninit long wanpela kain agrimen namel long tupela gavman. Kot disisen i sut long ol arapela Australia wok manmeri i wok wantaim ol gavman ejensi na tupela gavman i wok long painim ol arapela rot bilong skruim wok bilong ol insait long ol dispela gavman ejensi."

Foren Afeas na Imigresen Minista Sir Rab-bie Namaliu "Suprim Kot i givim ruling bilong em pinis na gavman i kisim na i luksave long en. Tasol mas-ki kot i givim tingting bilong em, ECP i kisim bikpela sapat long olgeta hap bilong Papua Niugini, olsem na nau gavman bilong PNG na Australia wantaim i mas painim gutpela rot long skruim dispela progrem i go moa yet bai em i noken pinis

Siaman bilong Transparensi Intanesenel (PNG) Mike Manning "Ti i bilip olsem Australia gavman nau i mas tingting gut long imiuniti bilong ol Australia polis aninit long ol to bilong PNG. Wanpela gutpela rot em wanpela pasim tok we i tok klia olsem sapos wanpela Australia polis opisa i asua, em i mas sanap long ai bilong ol Australia atoriti pas-taim na em i mas kisim gutpela mausman bilong

Ileksen Menesa singautim ol Bogenvil vota long vot

.....Ol Bogenvil pipel i stap aut long ailan bai gat sans long vot

Veronica Hatutasi i raitim

SINGAUT i go long ol pipel bilong Bogenvil long vot long dispela namba wan Jenerel Otonomes Ileksen bikos em bai kamapim senis long laip bilong ol pipel na famili bilong ol.

Bogenvil Ileksen Menesa Mathias Pihei i tok samting i stap nau long han bilong ol wan wan manmeri husat inap long vot long inapim demokretik rait go vot long

makim ol man na meri we bai karim maus bilong ol long nupela gavman bilong Bogenvil.

"Dispela em ileksen bilong yupela, givim vot long ol lida bilong yumi.

"Winim ol arapela yia pastaim, dispela gavman bai kamapim senis long laip bilong yumi wan wan manmeri bilong Bogenvil na ol famili.

"Olsem na mi askim ol vota olsem long taim ileksen i stat,

eksasaim demokretik rait bilong yupela na go vot. Mi askim strong ol woklain long toktok wantaim ol bos bilong yupela na ol bai larim yupela i go vot bikos dispela em i bikpela samting.

Long ol No Go Zon eria tu, ol pipel i redi long vot na ol i givim sans long ol bikos ol poling na ritening opisa bai stap long ol ples we ol i makim long ol bilong kari-maut vot long em stat long tumora," Mista Pihei i tok.


Em i tok tu olsem ol pipel bilong Bogenvil husat i stap ausait long provins bai i gat sans long vot tu.

Em i kolim tripela ples we ol Bogenvil lain i stap long ol narapela provins i ken bung na vot long em. Na taim bilong ol long vot em bai kamap long tumora Fraide Me 20, Sarere Me 21 na Mande Me 23. Ol pipel i stap long Papua rijen we i karamapim Pot Mosbi bai vot long het opis bilong Iktorel Komisnin long Angau Senta, Boroko.

Ol Poling opisa bilong tim 188 wantaim Iktorel Komisnin bai stap long hap long givim sans long ol man i vot.

Ples long ol lain long Momase na Haitans rijen bai vot long en em long Iktorel Komisnin POSF opis long Lae siti. Tim 189 bai lukautim dispela rijen.

Na ol lain insait long Niugini Ailans bai bung long Iktorel Komisnin Skowhegan opis long Kokopo. Tim 190 bai lukautim ol pipel i vot long tripela de hia.



Antap • Ol Iktorel opisa long Pot Mosbi i putim ol ballot o vot pepa i go long Airlink balus sata las wik Fraide.
Daubilo • Ol i putim pinis olgeta balot bokis na balus i rere long go long stat bilong Bogenvil ileksen.

Bogenvil i redi long vot tumora

...113,172 pipel inap long vot

Veronica Hatutasi i raitim

OL wok redi bilong Bogenvil Otonomes Ileksen i go gut na taim bilong vot bai stat tumora, Fraide Mei 20.

Ileksen Menesa Mathias Pihei i tok ol balot o vot pepa i kamap pinis long Buka insait long 127 bokis long sata Airlink balus las wik Fraide.

Tude, ol Poling Opisa o opisa husat bai karimaut ol wok long taim bilong vot wantaim ol Ritening opisa i stap pinis long ol ples we ol bai sanapim ol ples bilong vot long en.

I gat 178 pipel bai i sindaun na lukautim ol poling ples bilong vot long ol long 13-pela konstituensi.

995 poling opisa olgeta bai kari-

maut wok long dispela namba wan Bogenvil Otonomes ileksen.

Mak bilong ol pipel i inap long vot long Bogenvil em long 113, 172. Populesen o kaunim bilong olgeta pipel long Bogenvil i samting olsem 160,00 pipel.

Askim i go long ol pipel long ol wan wan konstituensi sapos ol i ken go stret long ol ples, taim na de we ol i makim long vot long em.

Mista Pihei i tok bai gat 4-pela kala pepa long mekim isi long ol pipel long taim bilong vot.

Kala pepa bilong vot long Presiden em i waitpela, bilong ol meri em i pink, eks kombatan o ol eks paitman em yelo na grinpeta em i bilong ol konstituensi.

Japan salim tripela opisa long monitaim Otonomes ileksen

JAPAN bai salim tripela opisa bilong em olsem hap bilong intenesenel grup long was long Bogenvil Otonomes ileksen we bai i stat tumora.

Dispela grup ol bai kolim Intenesenel obsevas na ol bai salim ol i go long bikpela senta bilong ol wan wan rijen long Bogenvil olsem long Buka long Not Bogenvil, Arawa long Sentrel na Bui long Saut Bogenvil long was olsem ileksen i mas i go gut tasol na i nogat ol paul wok i kamap.

Opis bilong Ambaseda bilong Japan long PNG i tok ol lain bilong Japan bai wok wantaim ol obseva bilong ol arapeta kantri olsem Australia, Nu Silan, Pasifik Ailans Forum na Komonwel Seketeriet long lukim olsem stretpela na demokretik ileksen i kamap long Bogenvil.

"Dispela ileksen long Bogenvil em i bikpela samting long wok bilong kamapim gutpela sindaun long Bogenvil aninit long agrimen ol bin kamapim long stopim pait i bin go het long 10-pela yia stat long taim Bogenvil hevi i bin bruk long 1988.

Kamapim stretpela na demokretik ileksen em i bikpela samting long gutpela sindaun long bihain taim bilong Bogenvil na PNG wantaim.

Long stap bilong ol long Bogenvil, ol obseva bilong Japan bai karimaut ol wok wantaim ol arapela poroman bilong ol bilong Australia na Nu Silan bilong monitaim ol wok redi bilong vot, voting, na opim ol balot o vot pepa," opis i tok.

Opis i tok tripela woklain bilong Japan bai senisim wanpela narapela long wok bilong ol long Bogenvil. Dispela i min olsem wanpela opisa

bai wok long taim ol i makim long em na i kam bek long Mosbi na narapela bai kisim ples bilong en. Dispela em long Tunde Mei 17 inap long Tunde Jun 2, de we ol i pinis kaunim ol vot.

Long wankain taim tu, namba wan lain bilong ol intenesenel obseva tim i kam long kantri na ol i go pinis long Bogenvil. Dispela em ol Saut Pasifik Forum memba kantri olsem Fiji, Vanuatu na Nu Silan.

Inta Gavman na Bogenvil Afeas Minista Sir Peter Barter na Foren Afeas Minista Sir Rabbie Namaliu i askim ol Bogenvil pipel long givim gutpela welkam long ol obseva taim ol i go kamap long ailan long dispela wik long statim wok bilong ol.

Tupela bikman i tok taim ol obseva i go kamap long Buka, ol lain bilong Bogenvil Interim Provinsel gavman na Etnimistresen bai bungim ol na toktok wantaim ol na givim ol ripot long ol wok go het bilong ileksen long ailan na wok ol bai wokim long en.

Tupela i tok wok bilong ol long was long ol intanesenel obseva long Bogenvil Otonomes Ileksen bai strongim ol vota, ol kendidet na ol arapela pipel long PNG na ol arapela lain i gat laik long Bogenvil olsem Bogenvil i luksave long gutpela gavenens na ileksen i fri na bihainim demokresi o laik bilong ol pipel.

Tupela i tok bihain long ilekesen, ol obseva bai wokim ripot long wei ilektorel sistem i ken kamap mobeta long Bogenvil na i bihainim Bogenvil Pis Agrimen na nupela hap XIV i karamapim Ogenik Lo long kamapim gutpela sindaun na Konstitusen o Mama Lo bilong Otonomes Gavman i mas kam aninit long Mama Lo bilong PNG.



Bogenvil sori long Australia polis lusim ailan

Aloysius Laukai i raitim

POLIS long Bogenvil bai pilim bikpela hevi nau taim ol Federel Polis bilong Australia (AFP) i lusim ailan na PNG long dispela wik.

Dispela 2 bilien kina Enhens Koporesen Progrem (ECP) namel long PNG na gavman bilong Australia we AFP i kam aninit long em ol bin rausim las wik Fraide taim Suprim Kot I tok sampela hap long dispela progrem i no bihainim mama lo bilong kantri.

Morobe Gavana Luther Wenge i bin salensim ECP long kot na kot i wanbel wantaim as tingting bilong en.

Em i bin putim keis i go long kot long mun Disemba long las yia yet we i tok sampela samting insait long dispela ECP i no stret na i no bihainim Mama Lo bilong PNG. Moa yet, long imuniti o givim banis long ol polis opisa o narapela wokman bilong Australia i kam long wok long PNG aninit long ECP.

Suprim kot i glasim gut olgeta poin we Gavana Wenge i bin putim egensim ECP we i no bihainim Mama Lo na i painimaut olsem em i tru.

Kwiktaim bihainim kot disisen, 150 AFP opisa i wok long Pot Mosbi na Bogenvil i bin stop long wok na ol i go pinis long Australia.

Ol pipel long Bogenvil i sori nogut tru long ol

polis bilong Australia i lusim provins bikos ol i wok long mekim gutpela wok long trenim ol Bogenvil polis manmeri long lukautim lo na oda na helpim long wok bilong Otonomes Gavman ileksen.

"Stat yet long ol polis bilong Australai i kam long Bogenvil na Buka, ol i helpim long sait bilong komyunikesen, ol kar na ol arapela helpim we i kamapim gut wok bilong ol polis long Bogenvil," Bos bilong ol Polis long Bogenvil, Asisten Polis Komisina Joseph Bemu i tok

Em i tok polis long Bogenvil i gat bikpela wok tru long mekim na ol i laikim helpim long kamapim bek level bilong polis wok long ailan olsem i bin stap pastaim long hevi i kamap na bagarapim ailan. Na ol polis bilong Australia i wok long wok long helpim long givim trening long ol Bogenvil polis long Buka na Arawa.

Mista Bemu i tok tu olsem ol polis bilong Australia i bin lukluk long helpim long Otonomes ileksen we taim bilong vot bai stat tumora.

Planti pipel long Bogenvil i sori tru long harim nius na ol i laikim ol polis long Australia i stap bek bikos ol i helpim long kamapim gutpela stap long Bogenvil we hevi long lo na oda i go daun.

19-pela polis bilong Australia husat i bin

wok long Bogenvil i bin lusim ailan na flai i kam long Mosbi long las Sande long bungim ol wanwok bilong ol long Mosbi na lusim Mosbi long Tunde moning.



BRUKIM GRAUN...

Wok i ken i go het long sanapim namba wan bikpela fiseris projek long Is Nu Briten Provins. Gavana Jenerel Sir Paulias Matane, Eugene Tseng, Presiden bilong Nu Briten Risoses Developmen, Is Nu Briten Gavana, Leo Dion, na Fiseris Minista Ben Semri i brukim graun long makim stat bilong wok long projek we bai i sanap long Ailans Industriel Senta long Ulaveo long Kokopo. Dispela projek bai kamapim moa long 2000 wok bilong ol manmeri wantaim ol kain kain spin of bisnis.



Toksave i go long ol Bogenvil manmeri husat i stap ausait long Bogenvil

Ileksen bilong Otonomas Gavman bilong Bogenvil

Dispela toksave i go long olgeta manmeri bilong Bogenvil husat i stap ausait long Bogenvil olsem vot bilong namba wan Bogenvil Jenerel Ileksen bai i stat long 8 kilok long moning bilong namba 20 de bilong mun Me, 2005. Sapos yu enrol pinis long Komon Rol, yu ken vot long ol dispela ples:

POT MOSBI

PNG Electoral Commission Het Opis

ANGAU Senta

Angau St

Boroko

(Em bilong ol Bogenvil manmeri long Papuan rijon)

LAE

PNG Electoral Commission

POSF Building

Lae Siti

(Em bilong ol Bogenvil manmeri long Momase na Hailans rijon)

RABAU

PNG Electoral Commission

Skowhegan Building

Kokopo

(Em bilong ol Bogenvil manmeri long Niugini Ailans rijon)

Vot long ol dispela tripela senta bai stat long Fraide namba 20 de bilong mun Mei 2005, Sarere namba 21 de bilong mun Mei 2005 na Mande namba 23 de bilong mun Mei 2005. Taim long vot em long 8 kilok moning i go inap long 6 kilok apinun long wan wan de.

Tokorait i kam yet long Iektorel Menesa bilong Namba Wan Bogenvil Jenerel Ileksen, P O Box 394, BUKA, Bougainville

Sir Rabbie autim bel sori long dai bilong Apelis

MINISTA bilong Foren Afeas na Imigresen Sir Rabbie Namaliu i salim tok sori bilong em long dai bilong olpela Namatanai Mema Epraim Apelis las wik Fraide. Em bin dai long hevi long lewa o hat atek.

Sir Rabbie i bin makim Praim Minista na ol Nesenel Alaiens pati memba we leit Mista Apelis i bin memba long en i bin salim tok sori bilong em i go long famili, meri bilong em Dorothy na ol pikini na bubu bilong em.

Em bin tok leti Mista Apelis i bin givim lidasip long ol wok bilong go hetim developmen insait Ailan. Em bin wok Provinsel Seketeri na bihain olsem memba bilong Namatanai long 1997 inap long 2002 taim Byron Chan i winim dispela sit.

Em bin holim wok tu olsem Dairekta long Ailans Rijinel Seketeriet long 1992 inap long 1996. Taim em i stap olsem Palamen memba, em bin Sedo Minista long Provinsel na Loko Level Gavman Afeas, Sedo Minister bilong Edukesen na Helt na deputi Siaman bilong Konstitusenel Developmen Komiti.

"PNG i lusim wanpela gutpela lida husat i bin mekim planti gutpela wok long praiveta na pablik sekta, moa yet, long sait bilong edukesen, rises, lo na politiks," Sir Rabbie i tok.

Nuku pipel kisim ATM beng sevis

OL PIPEL bilong Nuku ilektoret insait long Sandaun provins i laki tru nau

Long kisim benking sevis long ples bilong ol stret.

Long wankain taim tu, bikpela askim i go long ol bilong lukautim gut sevis we bai helpim tru ol.

Dispela i kamap wantaim sapat na wok bilong Beng bilong Saut Pasifik, Memba bilong Nuku Andrew Kumbakor na Dipatmen bilong Fainens na Treseri na ol i putim ATM (Otometik Tela Masin) sevis we ol i ken rausim mani long Nuku Stesen yet. Na ol pipel i no westim bikpela mani long peim trenspot i go na i kam long taun long kisim benking sevis.

Seremoni bilong putim ATM masin long Nuku Distrik i bin kamap long las Fraide we ol bikman bilong BSP beng, Fainens na Treseri, Sandaun

Etministresen na pipel bilong Nuku i bin stap long en.

Mista Kumbakor i tok em i nupela samting long putim ATM masin insait long ol rurel eria na ol i makim Nuku Distrik long traime tasol em i luk olsem em i go gut bikos long namba wan de tasol ol i putim masin, 60 kastoma i bin yusim kad bilong ol long kisim mani long ATM.

Em i tok moa olsem dispela projek bai helpim tru ol pablik sevan, ol bisnis haus na pipel long distrik husat i save tromoim bikpela mani long ka na balus long go rausim mani long beng.

"Dispela projek bai helpim tru ol pablik sevan, ol tisa na fama long ilektoret na distrik.

Ol dispela lain bai i noken wokabaut long longpela rot na tromoim bikpela mani long baim ka we i ron long 8-pela awa na 40 minit ron long balus i kam

olgeta long Vanimo long rausim mani na kisim ol arapela benking sevis," Mista Kumbakor i tok.

Em i tok tu olsem dispela em i namba wan taim long wanpela ples i stap longwe long taun i kisim dispela ATM benking sevis na em i amamas tru olsem dispela i kamap long ilektoret bilong em.

Em i tok ol bai wokim opisel lons bilong dispela projek long mun Julai long wankain taim wantaim ol arapela Distrik Treseri projek i wok long kamap insait long distrik.

Taim Mista Kumbakor i askim ol pipel bilong em long lukautim gut ATM masin bikos em i hat long kisim dispela kain sevis i kam long ol ples longwe long taun, em i tok ol pipel i laki stret long kisim dispela sevis bikos planti pipel long ol rurel eria i no kisim o lukim yet dispela ATM beng sevis.



Pasionis kongriksen amamasim 50 yia long PNG

Ol lain Pasionis pater na bruder i selebretim 50 yias wok long PNG las Sande. Dispela grup bilong Katolik misinari i wok longpela taim long Sandaun na 6-pela yia tasol i go pinis, sampela bilong ol i kam long Pot Mosbi. Bikpela selebresen i bin kamap long San Joseph's Katolik perlis.

Foto: Nicky Bernard

Hap Hap Nius

Madang:

NEVI sip bilong Amerika we i save givim helpim long taim bilong disasta na hevi, em USNS Mercy i stap nau long Madang long givim helpim i go

long ol pipel bilong Manam Ailan husat i kisim hevi long maunten paia na ol i stap long Bogia kea senta.

Ol bai karimaut sampela trening long Modilon Haus sik long ol wok bilong stopim sik malaria na ol arapela eria long wok bilong ol.

Ripot i kam long Embasi bilong Amerika i tok ol woklain long Nevi na ol Non Gavman Ogenaisesen long USNS Mercy bai givim ol sevis long sait bilong ol meri, ol pikinini, envoironmen na heit, sejeri o katim man i gat sik, dentis bai lukim na helpim ol man i gat sik bilong tit. Sip bai stap long Madang provins long 5-pela de olgeta na bihain, go bek long Amerika.

Caritas PNG holim woksop long strongim komyuniti

Jeffrey Elapa (DWU sumatin) i raitim

CARITAS PNG i holim Integrel Humen Developmen kos long Madang nau.

Caritas PNG em i han bilong Katolik Sios we i save givim helpim long taim bilong hevi i karimaut 8-pela wik kos long strongim ol komyuniti developmen woklain long sios na ol arapela Non Gavman Ogenaisesen insait long kantri long karimaut gut wok bilong ol.

"Mipela i laik helpim long kamapim gut

sosaiti we i gat jastis, pis o gutpela sindaun na integral humen developmen kos long givim save long man i

ken helpim em yet long develop long olgeta eria em i het tok bilong kos," Kodineta bilong kos, Raymond Ton i tok.

Em i tok as bilong kos em long givim trening long ol komyuniti developmen woka long ol eria i karamapim jastis, biling o strongim pis, disasta o wok long taim bilong hevi na ol program we komyuniti i ken wokim long helpim

ol dispela eria," Mista Ton i tok.

Caritas PNG i bilip olsem PNG i mas gat ol komyuniti developmen woklain i gat gutpela trening long wok insait long ol komyuniti na helpim kamapim senis long ol pipel na komyuniti.

"Mipela i trenim ol pipel long kamap olsem ol faundesen o as long givim gutpela piksa na strongim ol pipel na ol bai kamap olsem ol ejen bilong senis insait long ol komyuniti bilong ol," Mista Ton i tok.

Em i tok 48 pipel i sin-

daun long dispela trening kos. 16-pela e mol meri na ol narapela em ol Caritas Kodineta long ol Katolik Daiosis insait long PNG.

Nesanel dairekta bilong Caritas PNG long opening bilong trening kos i bin salensim ol lain i sindaun long kos bilong kisim

gut save long dispela trening kos we bai helpim skruim save bilong ol long ol samting kos i skulim ol long en.

"Bai yupela i kamapim senis na helpim long ol wok go het bilong PNG," Mista Maketu i bin tokim ol lain long dispela kos.

Planti bikman na meri bai givim ol presentesen bilong ol long dispela 8-pela wik kos. Em long bikpela loya Profesa John Nonggor husat bai toktok long Mama Lo na rot em i helpim lukautim ol PNG pipel, Ipela Sief Jastis Sir Arnould Amet husat bai toktok long Lidasip.

Welpam projek bai kamap long Bewani

.....Etministreta kisim pinis K900,000 sek long projek

BEWANI eria long Sandaun provins bai gat welpam projek long helpim ol pipel na wok mani bilong provins.

Sandaun Gavana i autim tok amamas bilong em long K900,000 we Nesanel Plening Dipatmen i bin givim i go long provins las mun long kirapim Bewani welpam projek.

Gavana Yuni i amamas olsem gavman i givim luksave na bihain long 8-pela yia bilong toktok tasol, em i givim dispela mani bilong helpim long kirapim dispela projek.

Em i tok namba wan hap bilong dispela projek em long sanapim neseri stesen.

Em i tok dispela mani we Nesanel Gavman i givim long Bewani welpam projek i kam aninit long Plening na Implimentesen Program (PIP) fanding na Ekting Provinsel Etministreta Joe Singi i bin kisim sekmani long dispela projek las mun.

Gavana Yuni i tok provins i nogat bikpela plentesen projek na dispela Bewani welpam projek bai kamap olsem namba wan bikpela welpam plantesen projek long Sandaun provins.

PPP bai holim konvensen long wiken

PIPELS Progres Pati (PPP) bai holim bikpela bung bilong em long Lae insait long Morobe provins long dispela wiken.

Dispela em tupela de Nesanel Konvensen bilong ol long dispela yia we bai kamap long Bundum Stesen ausait long Lae siti long tumora Frade Me 20 na Sarere Me 31.

Tasol Pati i bruk long tupela hap. Pati lida em Paul Tiensten husat i Minista bilong Tred na Industri na 6-pela pati memba long papamen i stap long Gavman na tripela narapela we memba bilong Makam Andrew Baing i go pas long ol i stap long Oposisen kem.

Wantok i bin laik kisim toktok long Minista Tiensten long dispela bung na sapos grup bilong em bai stap long en, tasol em i no bin stap long opis.

Nesanel Presiden bilong PPP Peter Nongkas i tok wan wan man bai makim ol han bilong pati long ol rijen olsem Sauten, Hailans, Momase na Niugini Ailans na ol provins.

Mista Nongkas i tok program bilong konvensen bai stat tumora Fraide long 5 kilok apinun na bai i go het long nait. Long neks de Sarere gen, bung bai go het.

Em i tok long Sarere nait, pati bai holim fan resing bilong em long

Lae Intenesenel Hotel na askim i go long ol deleget long stap long dispela fan resing tu.

Mista Nongkas i tok Pati bai peim balus tiket, pe bilong ka, ples ol bai slip long en na kaikai bilong wanpela rijinel na provinsel deleget i kam long dispela konvensen. Olgeta lain husat bai stap long bung i mas kamap long Bundum Stesen long Fraide.

Em i tok sapos yu bai tru tru kam long bung o laikim tok kliia long sampela samting bilong dispela konvensen, ringim Matilda Ludwig long telipon namba 3277636 long opis bilong Deputi Oposisen lida Andrew Baing.



NOKEN BAGARAPIM OL PIKININI!



Em i rait bilong ol pikinini long noken lanim ol narapela i poretim ol long silip wantaim ol.



In November 1989 the United Nations accepted the Convention on the Rights of the Child. This Convention has been ratified by almost all the countries in the world, including PNG in 1993.



WANTOK

i go pas long dispela kempen!

Mitio laikim ol skul liva long tingim kopi

James Kila i raitim

PLANTI ol skul sumatin husat i bin go raun lukim PNG Kopi Festival na tred Fea long Goroka long tupela wiken i go pinis i amamas tru bikos ol i lainim planti nupela samting. Dispela festival i bin kamap long Me 5 i go inap 7.

Sief Eksekutiv Opisa bilong Kopi Industri Koporesen (CIC), Ricky Mitio i bin givim taim bilong em long mekim planti gutpela toktok i go long ol sumatin husat i bin bung insait long Raun Raun Tieta.

Mista Mitio i bin tro-moi sampela askim long ol sumatin na ol lain husat i bekim gut i kisim ol prais olsem paket kopi.

Dispela bikman i givim taim bilong em gut long toktok wantaim ol yangpela na stori gut tru long wok bilong kopi industri long kantri.

Wanpela askim em planti sumatin husat i bin bung long harim toktok bilong Mista Mitio long dispela taim i painim hat long bekim em taim em i askim olsem "Hamas kopi bin i stap insait long wanpela kap?"

Turangu planti sumatin i givim planti ol kain kain bekim na ges nabaut. Long dispela taim kwesten ya i traim stret het bilong ol dispela skul pikinini.

Wanpela sumatin husat i gat 10 krismas i bin bekim gut na i tok

olsem, "42". Dispela bekim i opim ai bilong planti lain manmeri tru husat i bin bung long Raun Raun Tieta bikos nogat wanpela ausait lain i save olsem '42' kopi bin i save stap insait long gutpela kap kopi em ol man i save dring.

Dispela bekim bilong liklik sumatin manki bilong Bena mekim na em i kisim wanpela prais olsem kopi sidling em Mista Mitio yet i givim i go long han bilong em.

Mista Mitio i tokim dispela liklik manki ya olsem taim em i kisim dispela presen em i mas tingim dispela taim em i bekim askim long bikpela kopi festival

long Goroka.

Em i mas kisim dispela presen i go na planim arere tasol long haus bilong em na lukim olgeta taim na tingim tasol olsem kopi em wanpela bikpela kes krop tru insait long wol we i save mekim planti wok lon helpim sindaun bilong ol manmeri.

Mista Mitio i tok olsem ol samting long graun olsem ges, kopa, wel na got bai pinis tasol kopi bai stap yet.

Em i tok tu olsem planti ol bikpela kantri long wol olsem Colombia long Latin Amerika na Uganda long Afrika em kopi tasol i save holim ikonomi bilong ol.

Ol Tari skul nogat tisa

OL SKUL insait long Tari long Sauten Hailans provins i nogat tisa long skulim ol skul sumatin. Planti ol tisa i raun nabaut na les long lainim ol skul pikinini.

Ripot i kam long *Wantok Niuspepa* olsem ol tisa i lusim skul na i go stap wanpela yia olgeta na kisim pe bilong gavman nating.

Deputi Siaman bilong Kuluanda Praimeri top ap skul Gogo Jon Tumbiago i tok olsem ol tisa i stap nabaut long Mendi, Hagen na Mosbi.

Em i tok em i no amamas long dispela kain pasin long lusim ol skul pikinini long wanem ol pikinini i nogat narapela rot long kisim skul.

Mista Timbiago i singaut long ol hetman bilong ol tisa long lukluk na painimaut husat i no wok na i wok long kisim mani nating.

Wankain long ol wok manmeri bilong haus sik long Tari tu we ol i no save stap long ples bilong wok.

Mista Tumbiago i tok ol manmeri husat i sik na i go long haus sik i no save kisim helpim bilong ol Helt Ekstensen Opisa (HEO) na ol nening opisa. Ol Sios Helt Woka tasol i stap na givim helpim long ol.

Em i tok i mas i gat mekimsave long ol dispela kain wok manmeri. Em i tok dispela kain pasin i no stret na ol i mas kam bek na sevim ol pipef bilong ol yet.



• Bisop Hermann Raich (lephan), Pater Justin na Bisop Arnold (rait han).

Br Aloysius Aisi i raitim

KATOLIK Sios Daiosis long Wabag insait long Enga provins i gat wanpela nupela pater.

Justin Soongie i bin kisim luksave olsem pater long Sigiros Peris long namba 11 de long dispela mun.

Dispela bikpela de i bin pulim moa long 2000 manmeri bilong olgeta hap bilong Enga provins long lukim odinesen bilong Dikon Soongie.

Maski rot i bagarap, planti kar i bin kamap long Sigiros na ol manmeri yet i wokabaut planti aua long lukim dispela bikpela de.

Moa long 20 pik em ol i kilim long makim dispela odinesen.

Bisop bilong Wabag, Bisop Hermann Raich husat i go pas long odenim Justin Soogie i tok em i amamas tru long lukim tripela pater i kamaut long Singiro paris. Namba wan em Pater Arnold Orawe long 1983 husat nau em i Bisop, Pater Robert Laka, wanpela SVD misinari long 2002 na nau Pater Justin Soongie.

Em i tok daiosis i mas i gat ol yangpela pater, bruder na sista long wok long autim Tok bilong God i go long ol manmeri.

Bihain long odinesen, Pater Justin Soongie i tok tenkyu long haus lain bilong em, ol famili na papamama bilong em husat i bin sapatim em long skul bilong em long kamap pater.

Allan sapatim 'Kopi Yia' long Unggai-Bena distrik wantaim

James Kila i raitim

MEMBA bilong Unggai-Bena distrik long palamen, Benny Allan i surukim toktok bilong em olsem 2005 em yia bilong kopi insait long distrik bilong e na em i laikim ol kopi fama long wok strong long kamapim moa kopi.

Mista Allan i mekim dispela toktok bihain long em i putim K50, 000 long sapatim wok bilong ol liklik kopi groa koporetiv insait long Unggai-Bena distrik.

Em i tokaut long dispela moni mak taim em i toktok wantaim *Wantok Niuspepa* na i tok em i laik ol fama long ples i mas redim ol yet na wok bung wantaim insait long taim bilong dispela kopi sisen taim prais i antap na kisim gutpela mani long helpim sindaun bilong famili na komyuniti bilong ol.

Mista Allan i tok dispela K50,000 em bai go long peim rejistresen bilong wan wan koporetiv grup husat i redim ol

yet gut na i laik kamap memba bilong PNG Kopi Groas Federesen (PNGCGF).

"Mi save olsem fi bilong wan wan koporetiv long joinim PNG Kopi Groas Federesen em K2050, olsem na dispela mani em i putim long helpim ol wan wan liklik koporetiv long bung wantaim dispela grup long salim kopi bilong ol i go aut long ovasis maket," Mista Allan i tok.

Mista Allan i tok nau yet planti ol groa i wok long redim ol yet olsem ol koporetiv long bungim ol kopi bilong ol na salim i go ausait long kantri.

Dispela toktok bilong mekim 2005 kopi yia long Unggai Bena distrik em Mista Allan i bin mekim long pinis bilong las yia taim em i bin go long ples Megunagu long Bena na givim aut mani i go long ol fama em wanpela koporetiv grup bilong hap yet i bin bringim i kam bihain long em i salim kopi i go long ovasis maket.

Dispela koporetiv grup long Bena em Sayafa Kopi Groas Koporetiv grup, husat i afiliet i go wantaim PNG Kopi Groas Federesen (PNGCGF).

Mista Allan i tokaut olsem dispela K50,000 mani mak em bai go long sapatim ol liklik koporetiv grup ol lain fama husat i bung na i laik maketim kopi bilong ol na kisim gutpela prais.

Em i tokaut tu olsem PNGCGF i mekim gutpela tok pinis long painim maket long ovasis long salim ol kopi bilong ol fama long PNG, olsem na em i putim dispela K50,000 long sapatim ol liklik fama koporetiv grup long peim membasip o afiliisen fi i go long PNGCGF.

PNGCGF em wanpela kampani husat i gat opis long Amerika na em bai salim na maketim kopi bilong ol fama long PNG aninit long bikpela mama kampani em Coffee Pacifica.

Introducing the all-New Toyota

HILUX

From only those who truly know the roads and the people of Papua New Guinea, we now deliver our promise with more POWER, STYLE, SPACE & SAFETY.

Ela Motors

TOYOTA

TOYOTA TSUSHO (PNG) LTD
www.elamotors.com.pg

Delivered as Promised

EM3833

Toyota Hilux now offers you a new generation of driving. Call in and Check out the new range at Ela Motors Toyota today.

Hap Hap Nius

Yangpela Pasto

PRODIKOL Luteran kongriksen long Erima insait long Mosbi siti nau i gat wanpela nupela pasto nem bilong em Jeremiah Ork, 27 bilong Lomalom long Mumeng distrik long Morobe provins.

Pasta Ork i greduet long Lugaweng Luteran semineri long Finchafen bihain long em i skul 5-pela yia.

Pasta Ork i kisim trening bilong em long semineri na tu em i go long Tabubil, Westen provins we em i lainim tru long sanap long haus lotu na autim tok bilong God.

Stori bilong pasta Ork i go olsem, bipo em i stap long Pot Mosbi long 1989 we em i save wok long sevis stesen na pulamapim bensin long ol kar, tasol tingting na laik bilong em i save stap long karim wok na gutnius bilong God i go long ol pipel. Em nau dispela i lukim em i go skul long kamap pasta.

Kalo kisim Nupela Testamen

Veronica Hatutasi i raitim

SAMTING olsem 6,000 manmeri i bin stap long dedikesen seremoni bilong Kalo Nupela Testamen dedikesen long Kalo ples insait long Sentral provins las wik Sande.

Bikpela lain bilong Sama Institut ov Linguistiks (SIL) long Goroka husat i mekim bikpela wok long tanim

wantaim ol PNG Baibel Sosaiti lain we Jenerel Seketeri Leontine Tamate i go pas long ol, Sief Jastis Sir Mari kapi na meri bilong em, Sief Ombudsman Ila Geno na meri bilong em, ol Mosbi nius ripota ol lain i makim Yunaitet Sios.

Gutpela program tru i bin kamap long luksave long Nupela Buk Baibel long Kalo tokples. Ol as ples lain yet i bin mekim pilai bilong kilim dai long ol London Misinari

pastaim i go long Kalo, Hula na ol arapela ples long Sentrel provins.

Narapela hap bilong stori em bihainim kilim dai bilong ol misinari ya, hetkwota bilong LMS long Inglan i bin salim ami na ol i kam bek na kilim dai sampela ples lain. I kam inap tude, ol pipel i bilip olsem em i gutpela sapos bel isi na sekan pasin i mas kamap namel long ol grup i bin stap insait long dispela birua long lusim tingting olgeta long dispela samting long gutpela wei.

Bikpela tok tenkyu bilong ol Kalo pipel i bin go long Dokta Gerhard long helpim ol i tanim olgeta Nu Testamen i go long tokples bilong ol na nau, ol i ken save gut moa long Tok bilong Bikpela long tokples yet bilong ol we ol i kila gut long em.

Ples Kalo i stap 2 na hap awa draiv lusim Mosbi. Em i stap klostu long Hula. Namba bilong ol manmeri bilong ples em i winim 4,000. Ol i save lotu long Yunaitet Sios.



• Sief Jastis Sir Mari Kapi na meri bilong em long dedikesen seremoni. Ol Foto: AIVA TAMATE, PNG BAIBEL SOSAITI.



• Gerhard Tauverschmidt i bin go pas long tanim Nu Testamen i go long tok ples Kalo na i bin stap long seremoni.

ol buk Baibel i go long ol tokples i bin stap

Sosaiti (LMS) misinari bilong Saut Pasifik husat i bin kisim lotu

London Misinari Sosaiti i kisim lotu i go long Kalo viles namel long yia 1905-1910. Wanpela pikinini Kalo em Jim Kila i kisim skul pasto namel long yia 1911 na 1912 na em i kamap paionia misinari.

Em i dai pinis tasol wanpela pikinini bilong em Reveren Wala Guria i skruim wok misinari na kamap pasto na Yunaitet Sios bisop bilong Kalo. Nau em i ritaia na i stap skruim

yet wok bilong Bikpela long Kalo viles. Em bin go pas long kodinetim wok bilong tanim Nupela Testamen i go long Kalo Tokples. 12-pela pipel i bin mekim dispela wok wantaim em.

Man i go pas long trenslesen o wok bilong tanim em Dokta Gerhard Tauverschmidt i bilong kantri Jemeni tasol i wok wantaim Sama Institut ov Linguistiks (SIL) long

Goroka Isten Hailans provins. Em i stap long PNG long 17 yia na wok namel long ol pipel, save long tokples na kalsa bilong ol. Em i skulim 17-pela pipel long wok bilong tanim Nu Testamen Buk Baibel. Bihainim laik bilong pipel na kodinetim ol trenslesen wok. Nem bilong Tokples Kalo Ne Testamen em Ve Kapa Wai we i tok olsem Reconciliation o kamapim sekan na bel isi.

Rigo memba i no lukluk long ilektoret

Paulus Tali i raitim

OL PIPEL long ples Rigo i no amamas long memba bilong ol Anderson Vele long wanem i nogat gutpela wok sevis na developmen i kamap long ples bilong ol.

Wanpela bipo kendidet husat i bin resis long sit bilong Rigo, Steven Sangi, i tokim Wantok Niuspepa olsem ples Rigo i gat moa long 15,000 manmeri na ol pipel i laikim moa sevis, developmen bai ol pipel i gat wok long mekim ol yet.

Ol ples long Rigo olsem Maria, Devbisolio, Maunt Braun, na ol arapela hap long Rigo, tu ol sot yet long sevis.

Long dispela as na Mista Sangi i

tok i gat ol bikpela samting olsem diwai, fiseris, agrikalsa i stap long Rigo tasol memba i no lukluk tumas long en.

"Olsem na mipela ol pipel long Rigo i stap baksait yet, na mipela i laikim moa developmen bai ples i senis," Mista Sangi i tok.

Mista Sangi i singaut long ol manmeri bilong Rigo long lukluk gut na makim wanpela gutpela lida husat i ken karim sevis na developmen we i ken strongim na lukautim sindaun bilong ol.

Em i singaut long Mista Vele long luksave long hevi ol pipel bilong ol liklik ples olsem Bagibogi, long Rigo yet i karim nau na traim givim helpim long ol pipel bilong em.

NCDC bai stretim ol rot bilong POM

Andrew Molen i raitim

WARI bilong planti manmeri insait long Pot Mosbi siti bai pinis taim Nesene! Kapitel Distrik Komisni (NCDC) i statim wok bilong stretim ol rot long mun Jun.

Siaman bilong NCDC na memba bilong Mosbi Not Wes, Sir Mekere Morauta i tokaut long dispela las wik.

"Lukluk bilong siti long bihain taim i no gutpela bilong wanem olgeta samting i bagarap nabaut. As bilong dispela em nogat man i wokim wanpela samting long stretim ol na planti moni i lus na nogat man i wari long dispela," Sir Mekere i tok.

NCDC bod i tok orait long dispela program long Mas 31 we i lukim dispela program bai i ron inap tripela yia. Nambawan hap bilong dispela wok bai kirap long Jun dispela yia.

NCDC i makim pinis 19 rot we wok bai kamap na ol i makim K16 milien long en.

Sir Mekere i tok ol bai lukluk long

traim na apim moni bilong dispela wok i go antap long K20 milien neks yia.

Em i tok nau yet NCDC i nogat moni long mekim kain bikpela wok na sapos ol i laik stretim olgeta bikpela rot we ol i tok i nogat olgeta, ol bai i mas i gat moni mak olsem K140 milien long mekim.

"Antap long dispela gavman i givim planti moa wok i kam bek long NCDC na dispela i mekim hevi bilong mipela i go bikpela moa," Sir Mekere i tok.

Sir Mekere i tok dispela program i no bilong stretim rot tasol, wok bilong wokim ol dren, katim gras na mekim ol ston wol tu bai i stap insait wantaim.

Em i tok tu olsem NCDC i tok orait long i go het wantaim wanpela strit lait program we i wok long kamap nau.

"Bihain long dispela bai mipela i lukluk long klinim siti," Sir Mekere i tok.



EASIPAY BAI KAMAP LONG IS NIU BRITEN LONG 30 MEI, 2005

BAIM OL AUTSTENDING BIL BILONG YU NAU

Toksave i go long ol lain i save yusim elektrisiti o pawa long Is Niu Briten olsem PNG Power bai stat long konektim ol Easipay Mita insait long ol wan wan haus long namba 30 dei bilong mun Mei, 2005.

Easipay bai serisim ol dispela Kredit Mita we yupela i gat nau long ol haus bilong yupela.

Sapos yupela i gat ol bil bilong Kredit Mita i stap yet, i moabeta sapos yu baim bil bilong yu nau long wanem PNG Power bai katim pawa saplai bilong yu inap yu baim bil bilong yu.

Easipay em i gutpela long wanem:

- Ol sas bilong pawa i tamblo long Kredit Mita yupela i yusim nau
- Yu ken baim hamas pawa long laik bilong yu
- Yu ken bosim hamas pawa yu yusim
- Yu no inap wari long ol bil long olgeta mun moa
- PNG Power i no inap katim pawa bilong yu moa

Yu mas lukluk long Post Courier na National Niuspepa long painim aut wanem taim bai ol PNG Power Kontrakta bai i kam long hap bilong yu long konektim ol Easipay Mita.

Na tu yu mas larim wanpela lain bilong yu i stap long haus long helpim ol wokman i go insait long haus and wok.

Wok bilong konektim ol Easipay Mita long ol haus bilong yupela i fri.

Toksave i kam long PNG Power Pablik Rilesens Seksen

Raun lukim ol meri na pikinini long PNG



• Amamas na singsing long las Fraide long namba 8 greduesen bilong ol meri i lainim somap long Wimens Tekstail Trening Senta long Godens Pot Mosbi.



• Mama i bikpela samting! Ol liklik skul pikinini bilong Boroko Is i ritim poem long tok tenk yu long ol mama bilong ol long Madas De.



• Mama i wite we ol mama na ar Panim nabau naim ol dispela liklik Boroko Is Elemantari skul olvama i singsing long ol mama bilong ol long VERONICA HATUTASI



• Dispela lain greduen long Wimens Tekstail Senta i putim kamap wampela pilai we i autim tok klia toksave long mak bilong lainim ol samting long trening bilong ol.

Lainim somap em gutpela samting

Veronica Hatutasi i raitim

KAMAPIM wok bilong ol yet na sampela gutpela senis long lukautim famili na komyuniti em i wampela samting we somap trening skul long Wimens Tekstail Trening (WTTC) skul long Godens Pot Mosbi i givim long ol meri, Geita Gabi wampela meri sumatin bilong WTTC i makim ol meri na tok long namba 8 greduesen na namba wan long dispela yia.

Long wankain taim tu, ol bin tokaut olsem nem bilong WTTC trening senta bai i senis i go long nupela nem em long PNG Gamen na Tekstail Trening Institut.

Greduesen long las wik Fraide i bin lukim 30 lain we 27 em ol meri na tripela man i kism ol setifiket bilong ol bihain long ol i pinisim 16 wik kos long lainim long somapim 5-pela klos. Em long wokim dres, blaus, sket, snot bilong ol man na trausis bilong ol man.

Misis Gabi i bin tok sindaun tude i hat na prais bilong ol klos samting i antap tumas. Olsem na trening ol i kism na ol samting ol i lainim em bai helpim ol long kamapim wok long helpim famili na komyuniti bilong ol.

"Laip i hat tru nau na pei bilong ol samting i go antap. Tasol skul mipela i kism long somapim ol klos bai helpim famili na ol pikinini bikos mipela i ken somapim ol klos ol pikinini i werim i go long skul na tu, long kirapim liklik bisnis long somapim na safim klos.

"Dispela trening i mekim isi liklik long ol mama na tu, ol man husat i sindaun long kos bikos ol i lainim long somap na dispela em i laip skil bai helpim ol. Olsem na



• Tripela man i bin sindaun long kos wantaim 27 meri. Wampela bilong ol i kism setifiket long greduesen. Foto: VERONICA HATUTASI

dispela kos i mas kamap tu long ol arapela provins na ol meri long ol rurel eria i ken gat sans long lainim long somapim ol kain klos na kamapim gut laip na sindaun bilong famili na ol yet. Samting i stap long han bilong mipela wan wan greduesen long yusim ol save mipela i kism long hia.

Na mipela i autim bikpela tok tenkyu long WTTC long ol somap skul na save ol i givim long mipela," Misis Gabi i tok. Long dispela greduesen tu, Projek Konsalten bilong WTTC em Siat Williams i bin tok gavman i mas kamap wantaim Tekstail o klos Bisnis Polisi na givim bikpela sapot long dispela bisnis we i ken kamapim wok long planti moa pipel long kantri. Na tu, kism trening i go aut long ol provins na moa meri i ken kism gutpela samting long

en. "Ol PNG manmeri i mas kamap papa long klos bisnis long kantri. Tasol i mas strongpela sapot i kam long politikel level. Dispela bisnis bai givim moa wok long ol pipel na tu, trening i mas go aut long ol provins.

Dispela institusen i mas groa. Na gavman i mas givim moa sapot wantaim polisi na fanding. Mi lukim olsem dispela bisnis em i bikpela long kamapim mani bilong kantri.

"Long yupela ol lain i greduet, dispela em i stat tasol long wokabaut bilong yupela long bihain taim na mi lusim yupela wantaim askim olsem bai yupela i wokim wanem long trening na save yupela i kism long WTTC?" Mista Williams i tok.

Lo bilong lukautim ol pikinini



Pat 6- Atikel namba 4

NOKEN lukim olsem ol temporeri mesa o lo long sotpela taim we ol Stet Pati i putim bilong strongim wok long givim wankain rait namel long ol man na meri em ol i rabisim ol meri, olsem em i kamap long mining bilong Konvensen, tasol long wankain taim tu, em i no sapotim pasin we i gat wampela stendet o lo bilong ol man na nara-pela bilong ol meri. Tasol taim ol Stet i kamap wantaim ol wankain lo. Ol bai lusim dispela temporeri arensmen o lo bilong sotpela taim tasol.

Taim ol Stet Pati i kism i go insait ol speseci mesa o lo na dispela i karamapim Konvensen ol i bihainim nau we i lukautim mateniti rait o rait bilong ol mama i gat bel na ol i karim nupela pikinini, ol bai no lukim dispela lo olsem em i rabisim ol meri.

Ol toktok i kam long liklik buk ol i kolim CEDAW we Pasifik Rijonel Human Raits Edukesen risos Tim i redim.

Moa long neks wik.

Sotpela Tok Lukaut

Skrui i kam long las wik

AIDS em i wanem samting?

AIDS em ol sik i save kamap bihain long binatang bilong HIV i bagarapim imiun sistem o banis o strong bilong bodi long pait egensim ol sik. Ol pipel i gat sik AIDS i ken kism ol kain sik olsem fiva, ewe o skin solap na pekpek wara. Ol bai lusim skin tu o go bun nating.

AIDS em i nupela na bikpela sik i kamapim wari insait long PNG.

Nau yet, sik AIDS i nogat marasin long ol lain i gat dispela sik na kism long kamap orait. Tasol i gat ol marasin i stap long stopim o daunim ol narapela sik we sik AIDS i kamapim. Ol strongpela marasin i ken helpim ol manmeri i gat sik AIDS na ol i ken kamap orait na stap longpela taim.

Ol toktok i kam long liklik buk ol i kolim "Living with HIV/AIDS, A Guide for self care and positive Living" National AIDS Council i redim.



Kuk Kona wantaim MERI WANTOK

Pesonprut Jem

- Yu mas i gat:**
 - 1-12-pela Pesonprut
 - 2- 3-pela kap kol wara
 3. Wara bilong hap lemon
 4. 1 na hap paun suga

We long Wokim:

- 1-Autim palp o insait bilong pasionprut, putim ol hap skin long kontena, kapsaitim 2 na hap wara na larim olgeta i stap insait long kontena i go long nait inap de antap.
- 2-Long neks de, boilim olgeta pasionprut na ol sel inap insait bilong ol sel i sof o i go malumalu. Boilim inap long 35 minit.
- 3-Seivim wara.
- 4- Autim insait bilong prut long sel bilong em na katim katim. Rausim skin.
- 5- Putim palp, prut na sit i go insait long pot wantaim hap wara. Putim narapela hap kap wara na larim i boil.
- 6- Kapsaitim lemon juis na suga we yu hotim liklik o em i wom.
- 7-Tanim inap yu miksim gut tru suga na boilim hariap inap jem i kamap.
- 8- Larim i kol long sampela minit na putim i go insait long botol yu boilim gut na nogat wara i stap insait long en na pasim gut.

Lukim moa gutpela we long kukim kaikai neks wik.

Pagelio strongim ol skul long traime Nesenel Klos resis

STRONGPELA askim i go long ol skul sumatin, ol yangpela pipel na ol tisa long go insait long **Nesenel Klos Kompetisen o resis we Nesenel Kalsarel Komisn i putim kamap olsem hap bilong luksave long 30 yia selebren bilong tingim PNG i kisim indipendens long Australia long Septemba 16, 1975.**

Bai i gat tripela disain na opisel autfit kategori o grup long resis ya. Namba wan em long wokim klos bilong ol man tasol, namba tu em bilong ol meri na namba tri em long tupela wantaim.

Ekting Edukesen Seketeri Dokta Joseph Pagelio i tok Edukesen Dipatmen i strongim ol skul sumatin long kisim salens na go insait long Nesenel Klos Resis.

Nesenel Kalsarel Komisn i bin putim kamap dispela resis na Gavana Jenerel Sir Paulias Matane i bin lonsim dispela resis long Epril 20 long makim ol wok redi long ol aniveseri bilong makim 30 yia selebren bihain long PNG i kisim indipendens.

... klos bai soim kalsa

Taim Dokta Pagelio i tok tenkyu long Nesenel Kalsarel Komisn bilong putim kamap dispela resis, em i tok PNG i mas gat Nesenel Klos na dispela bai soim trupela mak long PNG kalsa olsem yumi gat luksave bilong yumi yet long dispela klos we yumi ken werim long makim kantri long ol samting we i kamap ausait long PNG.

Het tok bilong Nesenel Dres resis em "Promoting PNG Identity" o strongim nem bilong PNG.

Dokta Pagelio i tok dispela bai gutpela bikos em i strongim ol yangpela pipel bilong PNG long yusim save bilong ol long samting we bai kantri long en.

Em i tok yumi mas amamas long luksave olsem maski yumi gat planti kain kain kalsa na tokples, yumi save lukim yumi yet olsem yumi bilong PNG.

Em i tok Edukesen Dipatmen i go pas long sapatim strong kalsa na luksave PNG i givim long ol tumbuna na kalsa aninit long ol edukenes rifom. Aninit long

progrem, ol liklik pikinini i mas lainim long luksave long kalsa long elementeri level.

Het tok bilong Edukesen long yia 2002 "Promoting National Identity through Education" o strongim nem bilong kantri aninit long edukenes i bin strongim dispela, Dokta Pagelio i tok.

Em i tok as tingting bilong dispela het tok em long promotim kain edukenes we ol liklik pikinini i lainim ol kalsa, moa yet long elementeri na praimer level. Na dispela em lukluk long olgeta skul long kantri.

Dokta Pagelio i strongim ol yangpela pipel, ol sumatin, tisa na pablik long traime dispela nesenel dres resis. We bai i ron long 6-pela mun inap long Septemba 17.


Pablik i ken kisim entri pepa bilong klos resis long *Wantok Niuspepa* long dispela wik na long *Nasional niuspepa* long olgeta Fraide.

"Mi salensim ol sumatin na tisa long traime go insait long resis. Mi gat bilip olsem bai yu laikim dispela resis bikos em bai kamapim gutpela samting long kantri," Dokta Pagelio i tok.

Nius Bilong HIV AIDS

Tok Lukaut

wantaim
**David
Ephraim**



OL ripot i tokaut olsem moa long 130 million meri i save dai long pasin bilong katim praiwet pat o sem bilong ol.

Dispela pasin i no bikpela tumas o nogat tru long kantri, tasol i luk olsem dispela kain pasin bilong katim skin bilong ol meri i wok long isi isi kamap long kantri bilong yumi. Planti ol meri i wokim long traime kisim bikpela filing tasol.

Dispela em wanpela samting i nogut tru bikos taim bilong katim skin sapos meri i yusim sem resa long katim skin bai i gat sans long binatang bilong AIDS i kisim narapela man o meri sapos em i gat HIV.

Long kantri bilong yumi pasin reip o bagarapim meri em wanpela samting we i save putim planti ol meri long mak nogut long kisim HIV.

Long stopim dispela kain samting em i hat moa bikos manmeri i gat rait bilong ol yet long wokim samting we bai i wokim laip i gat gutpela amamas.

Tasol planti save manmeri i save tok sapos yu laik narapela i senis, orait, yu yet i mas soim gutpela rot we ol i ken bihainim long senis.

HIV em i hat long stopim tasol yumi ken wok bung wantaim long skulim ol manmeri long ol gutpela rot we ol i ken bihainim long abrusim dispela birua.

Planti taim planti manmeri i save rait long niuspepa na komplem long gavman na ol NGO o Nesenel AIDS Kaunsel long ol i mas wokim wok gut.

Tasol yu mas save olsem HIV em i no bilong NACS tasol long wok, nogat. Em bilong kain ol manmeri olsem yu husat i save komplem tumas long kamapim gutpela rot we ol pipel bilong yu ken bihainim long abrusim kain bikpela hevi olsem HIV/AIDS na ol arapela hevi wantaim.

Tingim, HIV i stap pinis. Inap long komplem na traime kamapim rot bilong helpim ol pipel bilong yu.

TOK LUKAUT

LONG ol kain taim olsem yu stap tude planti hevi em i wok long kisim graun yumi stap long en.

Olsem na mi laik tasol long skelim sampela tingting wantaim yupela ol rita.

Namel long ol bikpela woa i kamap long ol Midel Is kantri namel long ol bikpela raskol pasin i kamap long Latin America. Moa yet bikpela namba bilong ol manmeri i wok long dai long Afrika long HIV tasol.

Insait long Asia rijon planti kain birua bilong graun i wok long kilim dai planti manmeri.

Na long kantri bilong yumi yet planti i wok long dai long HIV. Insait yet long dispela hevi planti manmeri i wok long ting olsem wol woa tri bai kamap

Long Yurop yet, ol kantri i bung wantaim long kamapim Yuropien Yunien. Bikpela as em long kamapim wanbel namel long ol kantri.

Kantri bilong yumi i bin sainim planti wanbel wantaim ol bikpela ogenaaisaisan olsem UN, WTO APEC na ol narapela ol kantri wantaim.

Bikpela as em long kamapim wanbel na treid wantaim ol narapela kantri.

Tasol namel long ol dispela hevi, askim em i stap. Papua Niugini i save traime kontribut liklik long helpim ol narapela kantri olsem long Afrika o nogat. I luk olsem yumi save lukluk tumas i go daun bilong long ol Bumareng lain.

Long kirap bilong ol kainkain hevi long kantri i gat kain kain rot bilong helpim long daunim. Wanpela rot em long bihainim ol prinsipal o rot bilong helpim arapela na bai wankain tasol narapela i ken wokim long yu.

Tingim, na yu mas save olsem yumi mas traime long kamapim ol rot bilong helpim ol narapela liklik kantri long ol hap graun nabaut long wol.

Mi bilip olsem taim yumi bihainim dispela rot bai yu lukim planti senis bai kamap insait long kantri.

Telikom trening kolis i pulim ol ovasis sumatin

TELIKOM Trening Koles (TTC) long Lae, Morobe provins i wok long pulim ol ovasis sumatin i kam long skul na wokim ol kos long hap.

Koles i save ronim ol speselis progrem long telekomyunikesen na infomesen teknoloji na ol treni i gat luksave long intenesenel level i skulim ol sumatin long koles.

Koles i givim trening pinis long sampela sumatin bilong ol Pasifik Ailan kantri. Em i wok long lukluk long ol ogenaiesen long Solomon Ailan, Fiji, Vanuatu na ol arapela Pasifik kantri moa long salim ol woklain bilong ol long sindaun long ol trening program bilong em.

Sampela sumatin bilong Vanuatu na Solomon Ailan i pinisim ol kos na sampela i skul

yet na i stap long Taraka kempus na wokim stadi na skul bilong ol.

Telikom PNG Limited i wokim agrimen wantaim ol kantri long Pasifik husat i save salim ol manmeri bilong ol long kisim ol dispela trening kos.

Ol kos we Koles i save givim em ol lain i save givim ol intenesenel trening olsem City na Guilds bilong London Institut long Yuniatet Kingdom na Cisco Networking Academy bilong Australia i givim.

Eksekutyutiv Dairekta bilong Telikom Trening Kolis em Sida Pokopia i tok ol kos we kolis i laki long kisim luksave olsem trening institusen long Cisco Netwoking Akademi trening progrem bikos akademi i stap aninit long TAFE long Melbon. Dispela

em i rijinel trening netwok program bilong Cisco long Australia, Esia na ol Pasifik kantri.

Progrem bilong Cisco Netwoking Akademi em bilong lainim ol sumatin na givim save long ol long disainim na putim ol kompyuta

internet wok. Na long wokim dispela, ol i mas yusim ol kain masin bitong nupela teknoloji.

Mista Pokopia i tok ol kos i sut long netwok insait long kantri na ovasis.

Em i tok bihain long ol i pinisim kos, ol sumatin

i kisim CCNA (Cisco Certified Networking Associates) setifiket na dispela setifiket i gat luksave long em ovasis.

Eitin (18) pela sumatin i bin pinisim kos long Quality Customer Services Training long koles.



• Sampela long ol Sande skul pikinini long Kato Viles insait long Sentrel provins i lukluk long ol wanskul bilong ol i putim kamap singsing na danis long selebren bilong nupela Kato Tokples Baibel las Sande. Foto: Aiva Tamate- PNG Bible Sosaiti.

Olgeta skul i mas opim beng akaun

OL skul i kisim bikpela askim long opim ol akaun long beng na em bai isi long putim ol skul subsidi mani i go insait, Ekting Edukesen Seketeri Dokta Joseph Pagelio i tok.

Em i wokim dispela toktok long taim ol opisa bilong Edukesen Dipatmen i bin lusim Pot Mosbi las wik bilong go aut long ol provins na tilim ol namba wan hap long subsidi mani i go long ol skul we i nogat beng akaun.


Dokta Pagelio i tok ol skul insait long Nesenel Kapitel Distrik na long taun i kisim pinis ol skul subsidi sek bilong ol las wik.

Na em i tok ol skul insait long ol bus ples i mas kisim ol sekmani bilong ol long ol wan wan Provinset o Distrik Edukesen opis.

Dokta Pagelio i tok dispela ol sab-sidi peimen we ol opisa i karim i go em bilong ol skul long olgeta level husat i nogat beng akaun.


"Mi askim strong olgeta skul long opim beng akaun na em bai isi long putim subsidi mani stret i go long beng akaun. Dispela bai sevim mani tu long Dipatmen bikos em i kostim bikpela mani long salim ol opisa i go long ol provins long givim ol subsidi mani i go long ol skul," Ekting Edukesen Seketeri Dokta Pagelio i tok.

Ol subsidi peimen bilong ol Nesenel Hai skul, ol vokesenel senta na ol CODE em ol bin putim i go long beng akaun bilong ol long namba tri wik bilong mun Epril. Na ol i givim subsidi peimen bilong ol hai skul, sekenderi, praimer, komyuniti na elementeri tupela wik i go pinis.



GOD I KOLIM YUMI STREPELA MANMERI

Orait yumi bilip pinis na God i bin kolim yumi strepela manmeri. Olsem na Bikpela bilong yumi Jisas Krai i mekim yumi i kamap wanbel wantaim God. Jisas i bin opim rot bilong yumi ol manmeri i bilip long God, na bai yumi ken i go insait long dispela marimari bilong God, nau yumi stap long en. Na yumi save wetim God i kisim yumi na bai yumi sindaun gut wantaim em long heaven, na dispela i mekim yumi i amamas. Na yumi no amamas long dispela tasol. Nogat. Yumi ken amamas long ol hevi i kamap long yumi tu, long wanem, yumi save, ol dispela hevi i save strongim bel bilong yumi. Na sapos bel bilong yumi i stap strong, orait yumi inap sakim ol traime i kamap long yumi. Na sapos yumi sakim ol traime, orait yumi save bilip long God na wetim em i helpim yumi na kisim bek yumi. Na sapos yumi wetim God i helpim yumi, orait yumi no save wet nating. Nogat. God i givim pinis Holi Spirit long yumi, na pasin bilong God bilong laikim tru ol man, em Holi Spirit i bin kapsaitim long bel bilong yumi.



Salim ol pas i kam long WANTOK NUSPEPA: P.O. Box 1982, Boroko N.C.D 111 Fax: 325 2579 Email: word@global.net.pg

Tok promis - mani pawa bilong rot i stap long Nesenel Memba

Dia Edita

Mi bilong Kabwum na raitim dispela pas bihainim pas bilong Memba bilong Kabwum Mista Bob Dadae long Wantok Nius bilong April 14, 2005.

Pastaim mi laik tok amamas long yu memba long namba wan taim tru long bekim komplek pas bilong Mista Guniung M. Planti bel kros pas olsem kamap bipo long Wantok em yu no save bekim. Yu gat wanpela yia 2006 tasol i stap na bai nupela ileksen bai kamap long 2007. Olsem na kain bel kros pas i kamap, yu mas bekim na klaim yu yet long ol sevis yu givim pinis stat long 2002 kam inap nau long 2005 na pinis long 2006.

Long 2002 planti tok promis long kainkain developmen yu bin mekim, olsem na ol pipel makim yu. Wanpela tok promis em bilong rot. Yu bin tok olsem "rot bai go long olgeta hap bilong Kabwum na tu rot bai

bungim Kabwum wantaim Lae siti bilong wanem mani pawa bilong wokim rot i save stap long han bilong Nesenel Memba". Bihainim dispela tok promis na ol i votim yu.

Long pas bilong yu, yu tok olsem, Waigani nogat mani long wokim rot, rot bilong kisim mani i hat na yu wokhat yet na ol pipel no ken kisim kago kalt tingting.

Tasol yu yet bin promis pinis olsem "mani pawa bilong wokim rot i save stap long han bilong Nesenel memba". Yu nau Nesenel Memba. Mani pawa i stap pinis long yu long wokim rot. Pipel bilong Kabwum wet long opim ol nupela rot pastaim long i go long 2007 ileksen na i no mentenens wok bilong Wasu/Kabwum rot. Mi amamas long kisim bekim bilong yu, memba bilong mipela long opim program bilong ol nupela rot.

**BONI DAIN
KABWUM
MORBE PROVINS**

Leron-Wantoat LLGC presiden i stap we?

Dia Edita

Mi laik autim sampela bel hevi bilong mi long presiden bilong mipela Moses Yasingat. Nau mipela pipel i no save wanem hap em i stap olsem na mi rait i kam long Wantok Niuspepa olsem na isi long em i ken lukim long wanem hap em i stap long em.

Presiden Moses, plis inap yu kamaut long ples hait bilong yu na lukim hevi mipela pipel bilong Leron-Wantoat i kisim i stap?

Rot bilong mipela i bagarap tru, bus klostu i laik karamapim rot.

Helt Sevis na arapela gavman sevis i laik pas nau, long wanem i nogat helpim i kam long yu na nesenei MP Andrew Baing.

Presiden, yu bin yusim gan na soim strong bilong yu long pulim ol kansol na ol i bin makim yu presiden.

Taim yu kamap presiden yu givim baksait long mipela ol pipel. Long 2002 i kam inap nau 2005 yu no mekim wanpela bikpela samting insait long Leron-Wantoat LLG.

Presiden, noken tingim bel bilong yu. Plis yu mas sori long mipela ol liklik manmeri long ples. Wanem strong yu soim long 2002 ileksen orait wankain pasin tasol yu mas strong long givim sevis long pipel.

Yu wantaim nesenei MP Andrew Baing plis tingim Leron Wantoat. Presiden soim kala bilong yu nau 2007 em taim bilong skelim kala. Em tasol.

**SILING YANOPA
WANTOAT
MORBE PROVINS**

Rais em i bun, klinim gut

Dia Edita

INAP yu givim spes long mi na bai mi autim wari bilong mi.

Wari bilong mi i go long kampani we i save wokim rais Roots Rais.


Dispela Roots Rais i pulap long pipia ston, pipia

bek na kainkain planti pipia moa. Plis rais em kaikai bilong olgeta manmeri bilong kantri olsem na wokim gut.

Noken tingting long mani tasol. Tingim laip bilong man, noken tingim mani.

Ating rais mil i no wok gut na ol kain pipia i wok long kamap. Plis inap yupela i senisim dispela rais mil. Ating em tasol na tenkyu tru.

**TENGTENG VARIMES
TINPUTZ
BOGENVIL AILAN**



Toksave: Sampela ol pas mipela i kisim i longpela tumas na i no givim spes long ol arapela pas, plis raitim pas liklik. Na tu putim nem na adres bilong yu long olgeta pas yu salim i kam, tenkyu. - Edita

I gat rot long daunim sik AIDS?

Dia Edita

Mi wanpela manki Kove long Wes Nu Briten provins. Nau mi stap long Kimbe yet.

Mi laik sapatim pas bilong brata ya Mark Lupi kamaut long Wantok Niuspepa long 29/04/05.

Mi laik askim nesenei gavman long lukluk long dispela.

Em i mas putim wanpela lo insait long kantri olsem olgeta bikpela haus sik insait long kantri sapos ol i sekim blut bilong man o meri sapos i gat sik HIV/AIDS. Ol i mas holim dispela man o meri.

Noken lusim em i go, holim na ol polis bai kisim em.

Nesenei gavman i mas wokim wanpela banis o

ples bilong ol dispela sik manmeri.

Bikos haus sik i lusim em i go bai i givim long narapela meri o man na kilim planti pipel insait long kantri. Husat i laik sapatim o agensim, welkam tasol.

**CHARLIE KAOGO
KIMBE
WES NU BRITEN
PROVINS**

Lukautim notis bod long Wewak taun

Dia Edita

Mi laik raitim dispela pas i go long Wantok Niuspepa na tok kros i go long ol manki na ol bikhet man i save brukim ol pablik notis long ol notis bod long Wewak taun we em i no gutpela pasin.

Em i wanpela rabis pasin stret. Ating yu dispela man o manki i save wokim dispela pasin nogut em yu nogat wok bilong wokim na yu raun i stap na bagarapim ol pablik notis nating.

Ol notis bilong mi planti taim ol dispela hambak mangi i save brukim bikos ol i no

save long wanpela samting, o ol i jeles tingting na sin pasin i pulap o ating em belhat tasol bikos em long long.

Mi askim Wewak komyniti polis long wokim ol wok bilong ol na lokim ol dispela kain bikhet manki long sel.

Dispela kain ol pasin yumi ol Sepik i gat na developmen i no save kam hariap long yumi.

**JOHN KRIOSAKI
WEWAK
IS SEPIK PROVINS**

Yawari em i gavana bilong husat tru?

Dia Edita

Mi LAIK autim tingting bilong mi i go long Wantok Niuspepa na ol pablik i ken lukim.

Planti taim mi save baim niuspepa na lukim stori bilong Hami Yawari tasol mi no bin lukim wanpela stori bilong sevis o developmen i save go insait long arapela distrik olsem Imbogu, Ialibu, Pangia na Kagua Erave.

Nogat tru bikos sevis na developmen bilong em i go long ples tru bilong em Nipa-Kutubu na Tari Pore tasol.

Bilong wanem ol sampela distrik mi kolim long en em ples birua o enemi bilong yu Gavana Hami Yawari olsem na i nogat sevis i go long ol dispela hap ples.

Em orait, nau mipela tu luksave olsem provins i bruk pinis so Hami Yawari, yu em Gavana bilong Hela provins na mipela Sauten Hailens provins yet i nogat Gavana bilong mipela long lukautim ol pipel olsem na mipela wetim yia 2007 long kamapim nupela lida bilong mipela yet bilong ronim provins wantaim ol pipel.

Em tasol na yu husat brata o susa yu laik sapatim o agensim mi stap sambai tasol long ritim.

**STANLEY KEWA
POT MOSBI
NCD**

Sauten Hailens fri edukesen i no ron gut

Dia Edita

Mi wanpela manki long Ialibu distrik, liklik ples Mambi Rake. Mi i gat bikpela amamas tru long rait i kam long Wantok Niuspepa.

Mi laik autim wari bilong mi olsem long Sauten Hailens provins Gavana bilong mipela i putim fri edukesen na mipela ol papamama wantaim skul pikinini i wanbel na amamas.

Tasol taim mipela i go long skul ol tisa askim mani long mipela ol papamama na skul pikinini gen. Gavana i putim fri edukesen long yia 2003-2005 tasol long lukluk bilong mi fri edukesen i no ron gut.

Bilong wanem na mi tok olsem?

Taim mi skelim wantaim sekonderi skul ol i kisim subsidi bilong ol long Mak 10,000 kina na hai skul ol i kisim 6-4 tausen kina na olgeta primeri skul ol i kisim 2-1 tausen kina na elementari sampela taim ol i kisim 4-2 handret kina na dispela em i bikpela piksa tru olsem Sauten Hailens i nogat fri edukesen.

Em i wanpela giaman toktok mipela i toktok raun.

Mi i gat bikpela wari tru na em tasol mi autim wari bilong mi. Sauten Hailens i nogat fri edukesen long wanem mipela skul pikinini yet mipela baim skul fi gen.

**JAMSON KAIPU KANDI
IALIBU
SAUTEN HAILENS PROVINS**

Ol Australia Assisting Police (AAP) i lusim PNG...



PNG i win long Suprim Kot disisen

LAS wik Fraide, bikpela kot bilong kantri, Suprim Kot, i painim aut olsem "Enhance Co-operation Program" bilong Australia wantaim PNG i no bihainim tingting bilong Mama Lo bilong kantri.

Aninit long dispela program, lo bilong PNG i no karamapim ol "Australia Assisting Police (AAP)" na ol arapela opisa husat i wok wantaim ol gavman dipatmen. Long dispela agrimen, sapos wanpela opisa bilong Australia i brukim lo bilong PNG, em bai go fri.

Gavana bilong Morobe, Luther Wenge i bin tok dispela pasin i no bihainim Mama Lo bilong kantri na em i kisim dispela agrimen i go long kot. Suprim Kot i wanbel wantaim Mista Wenge na i tok dispela agrimen i abrusim lo.

Dispela em namba tu taim Nesene! Gavman i kisim sem long disisen bilong em. Namba wan taim em long lo bilong "Value Added Tax." Dispela kot tu em Mista Wenge i kisim Nesene! Gavman na Nesene! Palamen i go long kot na em i bin win.

Nesene! Gavman i save kisim stia tok long Jastis Dipatmen long Opis bilong Atoni



TOK PISIN
wantaim
PETER MAIME

Jenerel. Dispela disisen bilong tupela kot i soim olsem Nesene! Gavman i no kisim gutpela stia tok long Opis bilong Atoni Jenerel, o em kisim, tasol em i sakim dispela stia tok na i bihainim laik bilong em yet.

Bihain long disisen bilong Suprim Kot long Fraide, ol AAP opisa na ol arapela wok man na meri bilong Australia husat i wok aninit long dispela program i kisim balus na go bek long Australia.

Ol dispela piis na gavman opisa bilong Australia i bin wok long Pot Mosbi na Bogenvil.

Foren Afeas Minista bilong Australia, Alexander Downer, i sutim tok long PNG olsem Nesene! Gavman i asua na i no lukluk gut long lo bilong dispela agrimen.

Taim yumi skelim, i tru olsem PNG i no bihainim Mama Lo bilong en, tasol tu,

Australia i no kisim taim long lukluk long dispela agrimen. Olsem wanem na Australia i hariap tru long salim ol polis manmeri na ol arapela gavman opisa bilong em i kam long PNG?

Nau Australia i hariapim PNG long lukluk long lo bilong dispela agrimen gen. Australia i laik hariap long kam bek gen long PNG. Sekim gut, nogut Australia i mas gat sampela hait tingting long PNG.

Planti manmeri i tingting nogut long Mista Wenge tasol, pasin em i mekim i gutpela. Pasin em i mekim i gutpela bikos em i soim rot long wokabaut long bihain taim. Bihain wanem disisen o lo gavman o Nesene! Palamen i mekim i mas sut long laik na tingting bilong Mama Lo bilong PNG.

Nau yumi wet long lukim narapela disisen bilong kot. Praim Minista Sir Michael Somare i bihainim laik na tingting bilong Mama Lo bilong PNG long kisim klostu wan yia long i no makim Deputi Praim Minista bilong em o nogat.

Em tu, Mista Wenge i kisim dispela pasin bilong Sir Somare i go long kot. Yumi wet na lukluk tasol.

Morobe Blok - 9 Mail Evadahana



Published Weekly, Wednesday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: 325 2500
Fax: 325 2579
Email: word@global.net.pg
Pe bilong wanpela yia
52 niuspapa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Justin Hansu Kili

Editor
Neville Choi

Published by Justin Hansu Kili, MBE of Section 58, Allotment 3, Office 2, Waigani Drive.


Word Publishing Company Limited is owned by the four major churches of Papua New Guinea - Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

PLANTI manmeri bilong narapela provins i save ting olsem graun "Morobe Blok" i stap long en em i graun gavman i bin givim long ol pipel bilong Morobe.

Olsem na ol i laik kam na baim blok na wokim haus.

Tasol taim mi askim Aksey Qangengnuc, husat i pablik opisa bilong Morobe Komyuniti Asosiesen, em i tok dispela graun em ol lida bilong Morobe i kisim long ol Koiari klen aninit long wok bung bilong ol yet. Dispela praivet arensmen em ol i putim insait long wanpela pepa ol kolim Memorandum of Understanding (MOU). Wanpela hap tok insait long MOU, i tok klia olsem, ol pipel bilong Morobe tasol bai stap long dispela hap graun. Mista Aksey i tok klia olsem, dispela graun i bilong gavman o bilong Koiari klen, em i no klia

Ol prinsipol bilong gutpela lida



wantaim
Evangelist
OHARE JABERE

yet. Long wanem, gavman i bin kisim dispela graun na yusim inap 99 yia i go pinis na i nogat klia pela stia tok namel long Koiari klen na gavman long husat i nau papa bilong graun.

Long dispela astingting, Mista Aksey i tok, graun we Morobe Blok i stap long en em i gat tok i stap yet. Long dispela tingting, Mista Aksey i singaut i go long ol pipel bilong narapela provins long no ken kam na baim blok long ol Morobe man husat i laik salim blok long wanem, nogut hevi bilong graun i kamap bai i sori long mani ol tromoi long baim blok.

Em i tok tu olsem, Morobe man husat i laik salim blok bai i no inap tokim autsait man husat i laik baim blok long ol hevi bilong graun Morobe Blok i stap long en. Em i singaut long ol man bilong narapela provins olsem sapos ol i laik baim blok long Morobe man, i gutpela ol mas kam lukim ol mausman na lida bilong Morobe Komyuniti Asosiesen husat inap long tok klia long hevi bilong graun na lo bilong komyuniti bihain orait ol ken baim. Dispela kain stia tok bai helpim ol long luksave sapos ol inap long baim blok long ol Morobe man o nogat.



KOMENTRI

Yumi gat strong o nogat?

LONG Tunde long dispela wik, 150 polis manmeri bilong Australia husat i bin stap na wok hia long PNG aninit long Enhens Koporesen Program (ECP) i lusim kantri na go bek long ples bilong ol.

Australia gavman i singautim ol i go bek bihain long bikpela kot bilong kantri, Suprim Kot i tok sampela hap insait long dispela ECP i no bihainim Mama Lo bilong kantri.

Olgeta dispela samting i kamap long dispela wik i tromoi sampela askim we mipela i mas glasim gut pastaim long ol polis manmeri bilong Australia i kam bek.

Namba wan samting em planti manmeri i laik save em, 'Dispela asua long sait bilong to em i asua bilong husat tru?' Mipela i gat bilip olsem ol save man bilong yumi yet long opis bilong Atoni Jenerel i karim save inap long lukautim sindaun bilong kantri bihainim Mama Lo stret. Tasol olsem wanem na wanpela kain bikpela asua olsem i kamap? Na sapos opis bilong Atoni Jenerel i bin givim gutpela na stretpela stia tok long gavman, long wanem as tru na gavman i no bihainim?

Ol dispela askim em ol bikpela askim mipela i mas stretim long wanem dispela kain ol bikpela program i no samting long pepa tasol. Em i samting we i sut long sindaun na laip bilong yumi olgeta pipel bilong Papua Niugini.

Namba tu bikpela askim em, 'Dispela asua bai kamapim wanem kain birua nau?' Maski mipela i gat ol liklik bel hevi wantaim Australia, yumi mas luksave olsem sapos mipela i kisim ol i kam long helpim mipela, em i ken strongim bilip bilong ol arapela kantri, ol bikpela bisnis manmeri na kampani ausait. Dispela bai helpim ikononi bilong mipela tu. Nau yet i gat planti manmeri na ol arapela kantri i ting olsem PNG i bagarap pinis na i no gutpela long mekim wok bisnis.

Namba tri bikpela askim em, 'Ol polis manmeri bilong yumi bai bungim hevi o nogat?' Dispela askim em bekim bilong em nau i stap long wok ol polis manmeri bilong Australia i bin givim insait long 6-pela mun ol i kam stap wok hia long PNG. Planti polis manmeri bilong yumi i tokaut olsem ol Australia polis manmeri i bin givim bikpela helpim long wok bilong ol. Na em i gutpela sapos mipela ol pipel i save olsem ol polis manmeri bilong yumi i kisim strong long ol wanwok bilong ol long Australia.

Maski i gat kros namel long tupela kantri, ECP i wok long karim kaikai long planti hap insait long kantri olsem Bogenvil, na tu namel long ol liklik manmeri yet. Bilip bilong ol manmeri long wok bilong polis fos i wok long strong bek nau. Na gavman i mas tingim olgeta dispela hevi i kamap pinis na hariap long stretim bek bai dispela bilip i ken stap yet. I no bilong ol pipel bilong yumi yet tasol. Aninit long dispela ECP, ol polis manmeri husat i kam wok long hia i ai op tru olsem PNG i no bagarap. Ol manmeri i no save kilim nating arapela man. Na PNG ol i lukim, i no PNG we planti nius midia bilong ol arapela kantri i save bagarapim. Ol dispela toktok i kam long maus bilong Australia polis manmeri husat i kam stap na wok hia namel long yumi.

ECP i gat ol liklik hevi bilong em long sait bilong lo. Dispela i mas stret bai wok bilong em i ken go het na sindaun bilong yumi olgeta i ken stap orait.



PASIFIK NIUS

Solomon Ailans:

Tavola tok moa wok i mas kamap

LIDA bilong Forum Eminen Pesens Grup (EPG) na Foren Minista bilong Fiji, Kaliopate Tavola i tok i gat planti wok i mas kamap yet long karim Solomon Ailans i go bek long mak em i stap long en pastaim long bikpela pait i bin kamap. Tasol Mista Tavola i tok dispela i ken kamap aninit long paitim tok na wok bung namel long gavman bilong Solomon Ailans, Rijnol Asistens Misin long Solomon Ailans (RAMSI), Pasifik Ailans Forum na ol pipel bilong Solomon Ailans. Mista Tavola i bin toktok long pinis bilong raun bilong ol i go long Weathercoast bilong Guadalcanal las wik Sarere we EPG i bin bung wantaim ol pipel bilong Pechakuri na Mbambanakira ples. Sampela handret manmeri long ol ples i stap klostu i bin kamap long dispela kibung. "Mipela i harim pinis ol tingting na rekomende-sen bilong yupela, na mipela i harim tu sapot bilong yupela long RAMSI. Mipela bai tingim ol dispela toktok bilong yupela taim mipela i mekim ripot." Mista Tavola i tok. "Mipela i wan bel olsem ikonmik developmen i mas kamap insait long Solomon Ailans na yupela i mas i gat gupela komyunikesen, rot na ol maket. Yupela i gat kakao na kokonas pinis." Em i tok EPG i harim singaut bilong RAMSI long stap inap wok bilong en i pinis.

FSM:

Wok i go het long sanapim Tuna Hetkwota long Pohnpei


WOK I go het nau long Federetet Stets ov Maikronisia (FSM) long sindaunim Seketeriet bilong nupela Komisn bilong Konsavesen na Menesmen bilong ol Pis we i save raun long Westen na Sentrel Pasifik Solwara. Dispela 1,884 skwe mita hetkwota bai stap long Pohnpei, kapitel bilong FSM. Projek bai kamap long mani i kam long gavman bilong Pipels Ripablik ov Saina. Jiangsu Provincial Construction Engineering Kampani bilong Saina bai sanapim dispela Hetkwota aninit long wok bung wantaim FSM Dipatmen bilong Trensport, Komyunikesen na Infrastraksa (TC&I). Aurio Saimon, Projek Menesa na Disaina i tok pinis bilong dispela Tuna Komisn Hetkwota bai kamap insait long 7-pela mun. Bikpela wok bilong nupela fiseris menesmen bodi o Tuna Komisn em long menesim, tukautim na yusim gut ol tuna pis. 4-pela bikpela tuna pis spisis ol i laik lukautim gut em Albacore, Bigeye, Skipjack na Yellofin. Dispela 4-pela i makim namba wan bikpela tuna fiseri long wol.

FIJI:

Ami tingting planti long bil

WANPELA sinia Fiji Ami opisa i bung wantaim Vais President Ratu Joni Madraiwiwi long paitim toktok long Rekonsiliesen na Yuniti Bil we Soqosoqo Duavata Ni Lewenivanua (SDL) pati i bin kamapim insait long Fiji Palamen long Mande long dispela wik. Dispela i bihainim wanpela bikpela kibung bilong ol bikmanmeri bilong ami long wik i go pinis. Ami i tokaut pinis olsem i no amamas wantaim dispela bil bilong wanem em i pret olsem em bai givim malolo long mekimsave long ol lain i bin go pas long ku long yia 2000. Mausman bilong ami, Kepten Neumi Leweni i tok ami i egensim Bil na bai em i tokaut long tingting bilong em long wanpela ripot ol bai givim long Hom Afeas Minista Josefa Vosanibola. Ami Komanda Commodore Frank Bainimarama i givim tingting olsem nogut gavman i hait bak-sait long lo long painim rot bilong stretim ol lain i go pas long ku long 2000.

Nius i kam long PACNEWS



Makim gut

SOLDIA bilong Australia, Koprel Josh Bowden i prektis long sut long gan long wanpela suling rens klostu long As Samawah long Irak. Ol bikhet lain i holim pasim man Australia Douglas Wood long Me 1 i laikim bai Koprel Bowden na ol arapela wanwok bilong em i mas lusim Irak sapos Australia gavman i laikim ol long lusim Wood i go fri. Foto: Australia Dipatmen bilong Difens



Bikpela manki

LOKMAN Hakim Mondol em i bilong Calcutta long kantri India. Em i 11 mun tasol na hevi bilong em i 22 kilogrem. Tumbuna man bilong em Tabarak Mullick i karim em i go long haus sik na mama bilong em Jhanera Bibi i givim em liklik win long kolim skin bilong em. Lokman i save dring 5 lita susu na karkal 1 kilogrem yats plaua long wan wan de na nau ol i ting olsem em i mas i gat wanpela kain sik i save bagarapim groa bilong bodi. Foto: AP/Sudipto Das



Snek Manki...

WANPELA yangpela manki i holim wanpela snek olsem poroman tru bilong em long Coculfo long kantri Itali. Planti bikpela man na meri i save pret nating long ol dispela samting, tasol dispela liklik manki i no pret liklik. Foto: AFP



Het blo man o samting?

WANPELA man Budapes i win moa wantaim dispela stall long het bilong em. Em i sapim het bilong em i go saku na makim het bilong em long wanpela tatu we i soim wanpela arapela pes gen. Em i go raun long namba 13 Intanesenel Tatu Konvensen we i bin kamap long siti Frankfurt long wik i go pinis. Foto: REUTERS/Kal Pfaffenbach

Tekstail senta givim laip skil long ol meri ... wanpela bai statim somap bisnis

Veronica Hatutasi i raitim

SOMAP skul long Wimens Tekstail Trening Senta (WTTC) insait long Pot Mosbi em i wanpela long ol skul we i helpim planti meri long kisim skul long somapim kain kain klos.

Dispela projek i bin stat long yia 2002 na nau em i namba tri yia bilong em. Projek i kam aninit long Dipatmen bilong Tred na Industri. Projek bai go het long narapela tripela kris-mas i kam wantaim helpim mani we Dipatmen bilong Nesenel Plening na Monitaring i givim long en.

Dipatmen bilong Tred na Industri i bin kirapim dispela projek long helpim ol meri na yut long kisim save na go insait long fomol na infomol sekta na long dispela rot, ol i helpim ol yet na famili na komyuniti bilong ol.

Insait long tripela yia projek i stap long en, moa long 400 meri na liklik lain manki i greduet pinis long WTTC. Skul i pulim tu sampela yangpela man long sindaun long em na long greduesen we i bin kamap las wik Fraide, tripela yangpela man i bin pinisim namba wan kos long dispela yia na kisim somap setifiket bilong ol.

Ol lain i greduet i bin amamas tu long harim nupela nem we somap senta i kisim nau.

Aking Seketeri bilong Tred na Industri Alois Tabereng husat i bin makim Minista Paul Tiensten i bin tokaut long nupela nem bilong somap senta we ol i senisim long WTTC i go long PNG Garment & Textile Training Institute.

Mista Tabereng i tok dispela em i wanpela rot we ol bin toktok na wanbel long em wantaim nesenel gavman. We bai aninit long baset o mani plen bilong gavman long-neks yia, ol bai luksave long WTTC olsem em i stap em yet bai em i ken kisim luksave na mani bilong dispela somap skul yet.

Narapela bikpela tingting i stap yet em long gavman i kamapim polisi bilong klos bisnis insait long PNG. I kam inap nau, PNG i save kisim ol klos long ovasis. Tasol planti tok-tok i stap nau olsem PNG i ken gat klos bisnis bilong em yet sapos i gat strongpela sapot long politikel level wantaim mani long sapotim.

I gat sampela gutpela samting i wok long kamap. PNG i salim tupela opisa long kisim trening long klos bisnis long kantri Fiji. Fiji em wanpela wan solwara na pren kantri bilong PNG we i gat bikpela na strongpela klos bisnis. Em i save wokim klos na salim i go long Australia, Nu Silan na Amerika.

Mista Tabereng i bin tok Minista Tiensten i gat bikpela sapot long klos bisnis na nupela polisi na em i bilip olsem dispela bai kamap sapos olgeta i strongim tingting na sapot bilong ol long dispela samting.

WTTC i save givim tu ol arapela skul antap long somap skul. Ol i save skulim fabriks, grading, skrin printing, wokim meri blaus na long neks grup, ol bai lainim tu buk kiping na Komyuting.

Wantok i bin toktok long tupela meri i bin greduet long las wik Fraide na kisim stori bilong ol we yu ken ritim daunbilu. Brendalynne Kipma em i wanpela yangpela mama i gat 4-pela pikinini. Brenda i bilong Buka Ailan na i marit na stap wantaim famili bilong em long Pot Mosbi. Em i gat dispela toktok:



• Christine Nun i holim ol prais long kamap top sumatin long somap grup bilong em. Em i sanap wantaim man. Ol foto: VERONICA HATUTASI



• Ol lain meri i redi nau long go aut na kamapim kaikai long ol trening na save ol i lainim long WTTC somap kos. Taim bilong greduesen na ol i amamas stailim wantaim ol klos we ol yet i somapim.

"Mi laikim stret dispela skul bikos mi lainim long somapim ol kain kain klos na tu, wokim skrin printing. Save long

somap bisnis we bai somapim ol skul na ol arapela yunifom long Hagen.

"Mi gat bikpela tingting long somap tru tru na kirapim liklik bisnis we bai mi saplaim ol yunifom i go long ol skul, ol spot grup na husat moa i gat laik long putim rikwes long somap. Dispela kos i strongim save bilong mi long somap na moa yet, long sait bilong gredim o makim ol sais. Mi bin harim long dispela kos long wanpela poroman bilong mi. Mi stap long Hagen tasol bikos long bikpela laik bilong mi long kam long dispela kos, mi bin lusim ol famili na mi kam olgeta long Mosbi. Mi mas tok tenkyu tu long man bilong mi husat i givim mi strongpela sapot. Em bin flai i kam tu long greduesen. Toktok bilong mi long ol arapela meri em somap em yumi ol meri na mama i mas save long wokim bikos em bai helpim yumi long somapim ol klos bilong famili taim ol i bruk, somapim ol yunifom na tu, kisim mani long salim ol klos yu somapim," Misis Nun i tok.

Em i tok em i taim nau long sampela ol asples PNG i go insait long klos bisnis we long nau, ol ausait lain na moa yet, ol Saina na Esia lain na ol seken hen stua i stap insait long en.



• Brendalynne Kipma wantaim tupela pikinini meri bilong em i amamas long em i greduet.

somap em i save long skil bilong laip we yu ken stap long ples o wanem hap na mekim long sapotim yu yet na famili. Nau mi lainim long somapim ol kain kain klos olsem dres, sket, blaus, siot na trausis bilong ol man, wokim skrin printing na droim na katim auto i stensil long wokim skrin printing. Taim mipela i lainim long somap skul hia, sampela meri i laki pinis long wokim mani taim ol i salim ol klos ol i somapim na tu, long ol skrin printing klos ol i wokim. Longpela taim yet mi bin gat bikpela tingting long somapim meri blaus na ol arapela kain kain klos. Na wanpela samting we i bin strongim stret laik na tingting long mi mas kam long dispela skul em long bikpela pei tumas long ol skul yunifom bilong ol skul pikinini. Wantaim save mi kisim, nau mi ken somapim ol skul yunifom bilong ol pikinini bilong mi," Brendalynne i tok.

Em i tok sapos i gat sampela meri husat i laik lainim long somap, i moabeta long go long dispela somap skul. Long wankain taim tu, bai yu kisim save long kontribuit long infomol o fomol sekta.

Em i tok taim em i skul yet, em bin somapim sampela samting na salim na kisim moa long K200 long en.

Christine Nun bilong Hagen i bin kisim top sumatin na daks prais bilong dispela grup. Em i gat plen long kirapim



• Wanpela greduen i kisim setifiket long han bilong Alois Tabereng husat i ekting seketeri bilong Tred na Industri Dipatmen.

PNG Kopirait na ol Neibaring Raits Lo bihain long 27 yia

LONG mun April long 2003, mi bin glasim olgeta lo bilong PNG Kopirait, Neibaring Ekt na Inteleksuel Propeti Lo we Nesenel Palamen i bin kamapim long mun Julai long 2000.

Dispela ol lo i bin karamapim musik kopirait, ol stori tumbuna, na hevi we PNG i karim long brukim ol dispela intenesenel kopirait lo long ol musik bilong Australia na ol arapela ovasis kantri bihain long independens i kam inap nau.

Mi bin toktok wantaim Menesing Patna bilong Allen Arthur Robinson Lo kampani Vincent Bull na



Loya Kirsten Kobus na Gai Araga, Rejistra bilong Opus bilong Inteleksuel Propetis na Invesmen Promosen Atoriti.

Kopirait Lo i bin kamap insait long kantri long 1978 na Haus ov Asembli i bin tok oraitim.

Long 1981 em i bin senis liklik, tasol nogat wok i bin kamap long strongim. Ating bikos i nogat wanpela opis i bin go pas long karimaut na strongim dispela Ekt.

Pastaim long dispela senis long Kopirait Ekt (Namba 16) 1978 i bin kamap long 1980, wanpela opis we i bin lukautim Kopirait Lo em ol i bin kolim Tred Maks Opus i bin kamap long luksave long ol patens na ol arapela Inteleksuel Propeti.

Dispela Tred Maks Ekt (Ch. 385) i bin senisim Kopirait Ekt bilong 1978.

Industrial Propeti Opus we ol i save kolim tu Tred Maks Opus i bin kamap Inteleksuel Propeti Opus long 1999, wanpela yia pastaim long ol Kopirait, Neibaring Raits na Inteleksuel Propeti Lo i bin kisim tok orait bilong Nesenel Palamen long 2000.

Olsem na mi askim Rejistra wanem samting i kamap bihain long Kopirait Lo i bin kamap 27 yia i go pinis.

"Inteleksuel Propeti Opus aninit long IPA i bin kisim tok orait long Gavman long go pas long stretim na givim luksave long ol Inteleksuel Propeti

Raits lo olsem ol tred mak, patens, industrial disain na kopirait wantaim ol regulatori wok na pawa bilong en.

Mista Araga i tok, "Tasol em i bikpela samting long tingim olsem responsibiliti na wok i stap wantaim papa bilong dispela IP long was long en na strongim ol rait bilong ol sapos ol i ken soim olsem ol arapela lain i bagarapim raits bilong ol."

We i klia olsem ol arapela manmeri i yusim nating ol samting i stap aninit long nem bilong narapela, papa bilong dispela rait i ken kisim pel, ol luksave bilong kot, mani inap long bagarap em i kisim, save

long mani mak na ol kot oda bilong holim pasim ol samting ol dispela arapela lain i yusim wantaim nem o raits bilong em.

Tasol nau yet long taim mi toktok wantaim Mista Bul na Mista Araga tupela yia i go pinis inap nau, ol musik atis na man bilong raitim musik i wok long go yet long niuspepa na radio long autim bel hevi na painim mekimsave long ol arapela musik man i yusim singsing o musik bilong ol hia insait long kantri na ovasis tu.

I gat planti toktok na skin kirap long sanapim ol lobi grup olsem ol musik sosaiti, atis giis na musikman asosiesen tasol nogat wanpela samting i kamap. Ol dispela gutpela tingting bilong ol PNG musik atis i no kisim sapot long ol rekoding studio, musik produsa na ol musik kampani. Ating mani mak bilong en bai antap tumas long ol i peim.

Wanpela long ol grup em Pot Mosbi Kopirait Onas Lobi (POMCOL) we wanpela lo sumatin na musik raita na komposa, Oala Moi i tok em i laik kamapim "long sutim bel bilong Minista bilong Tred na Industri bai em i stretim rot bilong larim ol PNG song raita long kamapim wanpela pefoming raits sosaiti, na POMCOL bai i ken go pas long mekim ol plen."

"Mi laikim sampela gutpela stia tok long dispela samting long wanem mi wanpela sumatin tasol na mi gat dispela tingting long kopirait na mi nogat inap mani long statim dispela kain samting," Oala i tok. "Mi gat wanpela laptop kompyuta we mi wok long mekim dispela plen long en na planti tingting long kamapim dispela kain grup."

Oala Moi i laikim wanpela kain lobi grup olsem long lukautim gut sampela singsing bilong em olsem wanpela em i raitim na kolim 'Crazy' - dispela singsing we John Wong na Tarikana i bin winim luksave long en long Pasifik Musik Festival long Townsville klostu 8-pela yia i go pinis. Na i no long taim i go pinis, wanpela arapela singsing bilong en, 'Labour of Love' em Lista Laka i bin rilisim.

"Mi raitim planti singsing na mi no redi long tromoi nating ol raits bilong mi na mi bilip ol PNG musik atis na song raita bai karim dispela hevi yet long wanem i nogat wanpela kain grup olsem dispela mi laik statim," Oala i tok taim em i autim wari bilong em.

Long independens yet i kam inap yia 2000, i nogat wanpela banis i stap insait long PNG bilong ol patens, industrial disain, na kopirait," Mista Araga i tok. "Tasol senis bilong nem long Tred Maks Opus i go long Inteleksuel Propeti Opus i min ol arapela bikpela wok long karimaut ol nupela IP lo wantaim Kopirait na Neibaring Raits Ekts."

"Ratifikesen bilong ol WTO (Wol Tred Ogenaisesen) TRIPS (Tred Riletad Aspekts bilong Inteleksuel Propeti Rait) Agrimen i strongim PNG long kisim luksave long lo wantaim ol mak bilong banis i stap insait long ol TRIPS Agrimen," Rejistra Araga i tok. "Long givim luksave long ol dispela obligesen, IPO wantaim Wol Inteleksuel Propeti Ogenaisesen (WIPO), WTO na APEC (Esia Pasifik Ekonomik Koporesen) i no long taim i go pinis i statim wanpela bikpela rifom o senis program long lukautim ol Inteleksuel propeti raits insait long PNG we i lukim

ol bikpela senis long etministresen bilong ol opis na sekta bilong gavman i wok wantaim IPR".

Ol dispela wok i karim kaikai wantaim kamap bilong Inteleksuel propeti lejislesen, Kopirait na Nebarings Ekt long mun Julai 2000 we i karamapim patens, industrial disains na kopirait long Palamen, tasol ekt i no bin stat inap mun Julai 2002. Tasol long ol musik atis na song raita, dispela ekt i no wok gut yet.

"Mipela i klia long ol salens bilong ol song raita insait long PNG na dispela nid long opim rot bilong ol royalty win mani," Oala Moi i tok. "Nau yet wanpela song raita i ken kisim wanpela liklik hap mekenikel royalty olsem wanpela kontrak singa/songraita bihain long albam bilong ol i mekim inap mani long karamapim mani ol rekoding studio i tromoi long mekim, na dispela i no stret."

Em i tok songraita husat i lusim singsing bilong em i go long wanpela musik atis i no save long raitim singsing o rekoding atis (husat i nogat laisens) long rekod i save kisim nem tasol long karamap bilong kaset o CD - nogat samting moa.

"I bagarap moa taim midia industri na ol arapela lain husat i save yusim ol kopirait wok i no save baim ol kopirait musik," Oala i tok. "I gat wanpela pasin we ol lain i yusim musik i no save paim insait long PNG musik industri na dispela pasin nau i kamap we olgeta manmeri i save bihainim."

Oala i tok dispela em i kalsa we i skulim nogut ol papa bilong kopirait na ol i nogat laik long save long musik pablisins insait long PNG musik industri na em i putim prais long kamapim na lukautim ol singsing. Em i wanpela samting we i givim bikpela bel hevi long ol songraita husat i gat wanbel long senisim musik bisnis bai em i bihainim wok bilong mekim musik long wol we husat manmeri i yusim musik i mas baim raits pastaim.

Tred Maks Ekt (Ch. 385) na nupela Patens na Industri Disains Ekt 2000 na Kopirait na Neibaring Ekt 2000 i tok klia olsem Inteleksuel propeti raits em ol praivet raits na man i holim ol dispela rait i mas go long Kot, Inteleksuel Propeti Opus bilong PNG o long ol arapela lain gavman ejensi olsem Customs Bureau long kisim bek mani bilong em. Ol i ken mekim ol komplek insait long wanpela samons bilong Kot.

"Mipela i tingting long kamapim wok bihainim ol arapela WIPO Kopirait Tritt na konvensen bihain long dispela yia," Gai Araga i tok.

Paitim toktok bai go het long dispela pes neks wik taim mipela i painimaut wanem samting Gavman i mekim long strongim ol dispela lo, sapos midia i muv long kamapim dispela 'yusa-pe' polisi bilong musik ol i pilaim long radio na televisen, na developmen bilong Pot Mosbi Kopirait Onas Lobi grup.

Yu ken ritim ol stori bilong ol PNG musikman/meri long What's On with Raitim Insait long Post Courier tasol, Trinde, olgeta wik.

PABLIK NOTIS

PNG SUSTAINABLE DEVELOPMENT PROGRAM LTD

SINGAUT LONG KAM LONG NAMBA TRI ENUEL RIPOT MITING

Holiday Inn Ballroom, Pot Mosbi, Papua Niugini
8 kilok moning - 2 kilok apinun Tunde, 24 Mei, 2005

Siaman na Bod ov Dairektas bilong PNG Sustainable Development Program Ltd i askim pablik long kam long Namba Tri Enuel Ripot Miting long Holiday Inn Ball room long Tunde, Me 24, 2005.

Aninit long Atikels ov Asosiesen na Progem Ruls PNG Sustainable Development Program Ltd i mas givim ripot bilong yia i go long ol PNG Stekholda long wanpela Enuel Ripot Miting we bai i mas kamap long Pot Mosbi. Enuel Ripot Miting bai karamapim Enuel Ripot bilong Kampani bilong yia i pinis long namba 31 de bilong mun Desemba 2004 i karamapim Fainens Ripot bilong Kampani na Ripot bilong ol Odiata, Invesmen o wok bisnis na Long Tem Fan Operesen, na ol Sastenabol Developmen Program bilong Westen Provins tu. Menesing Dairekta bilong Ok Tedi Mining Ltd, na Siaman bilong ol Bod bilong PNG Maikrofainens Ltd na PNG Sustainable Energy Ltd bai givim ripot long ol wok bilong ol Kampani bilong ol.

Progem na Ajenda

Olgeta manmeri i kamap

- 8.30 moning PNGSDP Ltd na ol OTML Dairekta na Menesmen i kamap
- 8.45 Ol Gest na Patisipen i kamap
- 8.50 Gest ov Ona, Nesenel Gavman Minista i kamap

Bikpela Opening Sesen

- 8.55 Opening Prea i kam long Rev. Samson Lowa, Modereta bilong Yunaitet Sios bilong Papua Niugini.
- 9.00 Enuel Ripot Miting i Op
- 9.05-9.10 Dr. Ross Garnaut, Siaman bilong Bod bilong PNGSDP Ltd i toktok.
- 9.20-9.35 Hon. Arthur Somare, MP, Minista bilong Nesenel Plening na Ruel Developmen i toktok.
- 10.00 Ol Opisel Gest i lusim miting
- 10.10-10.15 Mista Robert Igara, Sief Eksekutyutiv Opisa bilong PNGSDP Ltd, i givim ripot.
- 10.15-10.25 Mista Lim How Teck, Siaman bilong Odit Komiti, i givim ripot.
- 10.25 Paitim Toktok.
- 10.30-10.40 Dr. Jakob Weiss, Siaman bilong Invesmen na Fainens Komiti i givim ripot.
- 10.40-10.50 Mista Guy Christie, Dairekta bilong Invesmen, Newton Investment Management Limited i givim Funds Management pafomens ripot.
- 10.50-11.10 Paitim Toktok.
- 11.10-11.25 Sir Ebia Olewale, Siaman bilong Westen Provins Developmen Progrems Komiti i givim ripot.
- 11.25-11.35 Mista Don Manoa, Siaman bilong Nesenel Developmen Progrems Komiti i givim ripot.
- 11.35-11.50 Paitim Toktok.
- 11.50-12.00 apinun Mista Brown bai, Siaman bilong PNG Microfinance Limited i givim ripot.
- 12.00-12.10 Mista Rod Sims, Siaman bilong PNG Sustainable Energy Limited i givim ripot.
- 12.10-12.25 Mista Keith Faulkner, Menesing Dairekta biong OTML i givim ripot.

12.25-12.40 Paitim Toktok

- 12.45 apinun Dr Ross Garnaut, Siaman bilong PNGSDP Ltd i givim toktok long pinisim.
- 1.00 apinun Miting i Pas.

Long kisim moa toksave na registresen, plis ringim Mis Legu Lee o Mis Deanna Dawanicura long Telepon: 3203844/45/46 na Fax: 3203855 o E-mail long llee@pngsdp.com o Deanna_dee@pngsdp.com

Robert Igara CMG
Sief Eksekutyutiv Opisa

EMTV GAID

Table with 2 columns: Time and Program Name. Rows include JOYCE MEYER MINISTRY, NINE EARLY MORNING NEWS, CREFLO DOLLAR, etc.

Table with 2 columns: Time and Program Name. Rows include STATION OPEN, JOYCE MEYER MINISTRY, NATIONAL NINE NEWS, etc.

Table with 2 columns: Time and Program Name. Rows include PLANET FANTA, GOODSPORT, SO FRESH, etc.

Table with 2 columns: Time and Program Name. Rows include STATION OPEN, EMTV TOKSAVE, BUSINESS SUCCESS, etc.



• Mr Bean. OLGETA SARERE NAIT 8.30PM



Raun wantaim raitman KANAGE

Comic panel 1: KANAGE I RINGIM KASTI LONG YUMI FM LONG SIKRET SAUN... MONING KASTI! EM MI YAH KANA-GE!

Comic panel 2: "GES PAIA BILONG MI LONG SIKRET SAUN EM HAUS IPAIA..."

Comic panel 3: SORI TRU MAIBRO KANAGE, YU EM NAMBA 50 MAN LONG GIVIM DISPELA RONG GES PAIA!!

Comic panel 4: NAU KANAGE I KIRAP NA ASKIM KASTI!!! ...ORAIT, KASTI... INAP YU GES PAIA LONG DISPELA SAUN LONG BEKGRAUN?

Comic panel 5: KANAGE I PUTIM FON LONG KASTI I HARIM DISPELA SAUN... EM FAUN OLEM PAIA!!

Comic panel 6: EM NAU! GES PAIA BILONG YU EM RAIT... TASOL YU SAVE WANEM?! EM HAUS BILONG YU I PAIA I STAP! AAA AHH!!

YUMI FM NATIONAL WEEKLY HITPARADE Sarere Mei 20, 2005 Twisties i sponsa

Table with 4 columns: Singing, Musik Atis, Dispela Wik, Kande, DadiiGii. Lists artists like Mi Nao, Lalatora, Maia E, etc.

CATHOLIC RADIO 103.5 FM

Table with 2 columns: Time and Program Name. Rows include Fonde, 6:00 ANGELUS, 6:05 MEDITATION/INSPIRATIONAL MUSIC, etc.

Table with 2 columns: Time and Program Name. Rows include Fraide, 6:00 ANGELUS, 6:05 MEDITATION/INSPIRATIONAL MUSIC, etc.

Table with 2 columns: Time and Program Name. Rows include Sarere, 6:00 ANGELUS, 6:05 MEDITATION/INSPIRATIONAL MUSIC, etc.

Table with 2 columns: Time and Program Name. Rows include Tunde, 6:00 ANGELUS, 6:05 MEDITATION/INSPIRATIONAL MUSIC, etc.



Laikim Penpren

Nem: Darius Kapis
Krismas: 20 (man)
Adres: Bishop Wade Secondary School, Tarlena, PO Box 220, Buka, NSP
Save laikim: Pilai gems, mekim penpren, wokim ol skul wok na harim kainkain musik.

Nem: Jeppy Arete
Krismas: 20 (man)
Adres: PO Box 1441, Mt Hagen, Western Highlands Province
Save laikim: Kisim na bekim pas, lukim TV, harim ol gospel musik na tok pilai na senisim ol presen.

Nem: Ismael Boi
Krismas: 27 (man)
Adres: PO Box 1779, Mt Hagen, Western Highlands Province
Save laikim: Lukim nupela ples, lukim TV ol NRL gems, tok pilai, go lotu na stap isi tasol.

Nem: Eunice Mamogoba
Krismas: 19 (meri)
Adres: C/- Annette Mamogoba, PO Box 154, Popondetta, Oro Province
Save laikim: Pilai volibol, ritim buk na stori wantaim ol pren.

Nem: David Jango
Krismas: 19 (man)
Adres: Popondetta Secondary School, PO Box 154, Popondetta, Oro Province
Save laikim: Lukim CD, DVD, harim musik, salim pas i go i kam, bungim ol nupela pren.

Nem: Kura Kambue
Krismas: 19 (man)
Adres: Lae Technical College, PO Box 4366, Lae, Morobe Province
Save laikim: Mekim penpren, go lotu, harim lotu musik, ritim Baibel na senisim poto i go i kam.

Nem: Diana Kutz
Krismas: 19 (meri)
Adres: Tinputz District Office, PO Box 343, Bougainville, North Solomons Province
Save laikim: Pilai volibol, harim kainkain musik, go long lotu, mekim penpren na save long narapela provins.

Nem: Alfred Jade Jakom
Krismas: 18 (man)
Adres: Paup Congregation, PO Box 173, Aitape, Sandaun Province. **Save laikim:** Mekim penpren, harim musik, pilai spot olsem soka, volibol na ragbi tas.

Nem: Wesley Ekopa
Krismas: 29 (man)
Adres: C/- Lakis David, PO Box 1471, Goroka, Eastern Highlands Province. **Save laikim:** Mi gat bikpela laik long rait long meri bilong Manam o Karkar long Madang. Plis rait i kam.

Nem: Jeremy Napmuku
Krismas: 17 (man)
Adres: Oum Primary School, PO Box 58, Ambunti, East Sepik Province. **Save laikim:** Harim PNG musik, pilai volibol, mekim pren, waswas long Sepik wara na kaikai pis.

Nem: Alois P. Karang
Krismas: 27 (man)
Adres: PO Box 601, Wewak, East Sepik Province. **Save laikim:** Mekim pren, senisim ol presen, go lotu na mekim fani.



STORI TUMBUNA

BLAKPELA koki i tokim yangpela meri bilong em: "Orait, yumi tupela i marit pinis. Moabeta oltaim nau yu kukim kaikai bilong mi."

Tasol yangpela meri em i no save long dispela tok "kukim kaikai." Olsem na em i go kisim sampela taro na yam na banana, em i wasim long wara na siki-rapim skin bilong ol.

Na em i karim dispela kaikai i kam long blakpela koki.

Na yangpela i tok: "Nau mi redim gut-pela kaikai bilong yu, yu sindaun na kaikai. Koki i lukim kaikai na em i holim wanpela taro long han bilong em na i tok, "Oloman! Dispela taro i strongpela yet. Na em i hat tumas.

Tru, yu sikirapim skin gut na ol kaikai i klinpela. Tasol mi no laik long kaikai i kol tumas. Moabeta yu kukim dispela kaikai gen."

Olsem na yangpela meri i kisim bek dispela kaikai na em i karim i go.

Tasol em i no save gut long tok bilong man bilong em. Olsem na em i tingting planti long kukim kaikai em i wanem samting?

Em i pilim taro long han na em i save. Tru, dispela kaikai i kol. Ating man bilong mi em i laikim kaikai i kamap hatpela.

Na meri em i karim kaikai i go long san na putim ol taro na yam na banana antap long wanpela ston.

Dispela kaikai i stap liklik long san inap san i hatim ol.

Bihain yangpela meri i karim kaikai gen long blakpela koki na em i tok: "Nau kaikai bilong yu i hatpela. Nau yu inap kaikai."

Koki i holim wanpela yam long han bilong em na em i pilim dispela kaikai na em tok, "Oloman, dispela yam i no hat-

Kaikai i tan long san



pela tru, mi inap holim yet long han bilong mi, na dispela yam i strongpela yet long kaikai.

Yu mekim wanpela samting? Mi bin tokim yu, yu mas kukim dispela kaikai bilong mi." Blekpela koki i belhat na i tok, paia i stap we?

Yangpela meri i bekim, "paia em i wanem samting?"

Long ples bilong yangpela meri ol manmeri i no save long paia na long rot bilong kukim kaikai.

Ol i save kaikai nating olgeta samting. Sapos ol i laik hatim samting ol i save putim long san tasol.

Nau blakpela koki i klia.

Olsem na em i ting, moabeta mi lainim meri bilong mi long pasin bilong wokim paia.

Koki i tokim meri, yu go na painim sampela diwai i drai gut na karim i kam. Nau em i skulim em long mekim paia na kukim kaikai.

Wari long painim wok bihain long skul

Dia Laiplain


NAU yet mi wokim CODE stadi tasol mi tingting planti olsem mi no inap long kisim wanpela wok taim mi pinisim kos. Mi no stap long taun we ol wantok i ken helpim mi. Na tu, famili bilong mi inogat inap mani.

NOGAT WOK

DIA PREN

MIPELA i save long wari bilong yu. Planti yangpela manki i gat wankain hevi olsem yu. Wok painimaut i soim olsem nogat planti skul liva i kisim wok. Dispela em long nau yet na sampela long bihain taim. Long 20 yia i go pinis, i gat planti wok.

Tasol long dispela taim na de, em i hat long ol sumatin husat i gat Gret 10 setifiket long kisim wok. Planti pipel olsem ol papa na mama i no



save olsem dispela i senis pinis.

Planti pipel i ting yet olsem taim wanpela sumatin i pinisim Gret 10, wanpela samting long mekim em long painim wok we em i ken kisim potnait pe long em.

Tru, planti pipel wantaim dispela kain tingting bai i no inap amamas.

Gavman i bin kamapim bikpela tingting long olgeta Gret 6 sumatin i skul inap long Gret 10 long Hai skul bikos dispela bai helpim ol

long painim sampela kain we bilong kisim mani. Na i no bilong painim wok long kisim potnait pe tasol.

Gutpela piksa em long go bek long ples na kamapim ol liklik bisnis olsem ol kakaruk fam o planim ol kaikai na salim long maket.

Ol gavman bodi i sapotim na tromoim mani i go long helpim pipel i kamapim kain bisnis.

Olsem na mipela i askim yu long traim painim kain helpim long eria bilong yu.

Yu ken traim long lukim wanpela didiman o bisnis developmen opisa long eria bilong yu wantaim distrik yut kodineta long sampela helpim.

Yu ken sekim long Nesanel Yut Muvmen program.

Dispela program i save helpim ol yut grup long kirapim liklik bisnis projek.

Mipela i bilip yu bai painim

sampela kain we long kamapim gutpela sindaun insait long ples bilong yu. Na i no tingting tasol long painim wok bilong kisim potnait pe bikos i gat bikpela resis tru.

Laiplain

Toksave

Sapos yu gat wari, salim pas i kam long Lifeline, P O Box 6047, Boroko, NCD. O yu ken ringim mipela long Telipon namba 3260011. Bai mipela i bekim pas sapos yu putim stretpela nem na etres antap long pas. Ol dispela hevi em mipela bai primum i kam long pas mipela i kisim tasol mipela i no inap long putim nem tru bilong yu.

Tenkyu - Laiplain



Bisnis bilong Groim Diwai insait long PNG - Planim diwai long ol renfores eria

Rot bilong groim sampela long ol bikpela diwai i save groa insait long PNG



Piksa i soim lip, plaua na sid bilong diwai *Acacia mangium*.

Acacia mangium (mangium)

Bikpela nem bilong en: brown sal-wood, mangium, black wattle, hickory wattle

Em wanem kain diwai: Ol bikpela diwai i ken groa i go inap 30m na bikpela bilong en i 25-50 cm long namel bilong en. Em i no save groim ol han diwai inap long namel bilong em. Kala bilong skin diwai bilong em i grey-brown i go brown, em i no smut na i gat ol makmak long en. Ol yangpela lip i bikpela tasol bihain wanpela kain lip i flet na smut ol i kolim petioles (phyllodes), we longpela bilong em i 25 cm na bikpela bilong em long namel i 5-10 cm. Plaua bilong em i wait na sanap olsem ol spaik. Ol karamap bilong pikinini diwai o sid bilong en i save longpela tasol bihain em i save tanim na raunim em yet. A mangium i ken marit wantaim *A auriformis* sapos ol i groa wantaim. Groa bilong ol haibrit i wankain liklik, tasol kala bilong skin diwai bilong en i lait moa long mama diwai bilong en.

Ikoloji o ples em i kamap long en: Long as ples bilong en, em i save groa inap long 300 mita tasol em i ken groa i go inap long ples i stap 700 mita antap long mak bilong solwara we ren i save pundaun inap long namel bilong 1000 na 4500 milimita. Em i gat strong long groa long taim bilong bikpela drai, tasol groa bilong em i save go daun long taim bilong ol bikpela tru bilong wanem em i no inap stap longpela taim long ples drai. Em i save groa gut insait long ret na yelo podsolic graun, maski ren i ken rausim graun. Em i save kisim strong long san bilong wanem em i wanpela nupela spisis.

Groa bilong em:

Em i save daunim lip na han diwai bilong em yet, na bikpela han diwai bilong em long namel i stret tasol i go antap na i nogat sua. Dispela i save strong taim em i save groa insait long ol plantesen.

Ol liklik kau diwai bilong em i save

bung tasol i save bagarap long ol olpela han diwai.

Insait long wanpela 13 yla plantesen em i ken groa longpela inap long 23-25 mita na 27-30 cm raunim namel bilong em.

Distribusen: Dispela spisis i kamap long not-is Australia, Papua Niugini na Indonesia. Nau em i save groa long planti kantri olsem Thailand, Malaysia, Indonesia na Philippines.

Yu ken yusim long mekim ol dispela samting:

-Em i wanpela legume fiksing nitrogen long ol graun i nogat gris.

-Ol i ken yusim long holim graun, groim graun na strongim gris insait long graun.

-Em i ken daunim imperata gras i groa long ol graun nogut.

-Yu ken yusim bilong mekim sodas, paia wut, plaiwut na patikel bod. Insait long ol plantesen, ol i save groa 14m3/long wanwan hekta long 4-pela yia i go inap long 44m3/ha/long wanwan yia long 10-pela yia.

-Em i save kamapim hai kwolati charcoal o sit bilong paia (4,800-4,900kcal/kg)

-Em i no gutpela gras diwai.

-Em i gutpela bilong givim sed o hait long san na long groim bilong stallim ples.

Propagesen o rot bilong groim: Planim ol sidling em i nambawan rot bilong planim.

Sid tritmen o rot bilong redim sid: kapsaitim hat wara antap long sid, 1-pela sid i mas i gat 10-pela hap wara. Bihain long 30 seken o 1 minit, rausim ol sid na putim insait long kol wara, larim ol i sindaun ovanait. Rausim, draim na planim.

Menesmen o wok lukautim: Yu mas planim wantaim 3mita x 3mita spes namel. Sapos yu laik groim bilong timba, yu mas daunim lip na bilong em olgeta 6-pela mun, inap long 2yia na rausim ol liklik han diwai taim em i 2, 6 na 10 yia. Long abrusim hevi bilong heart rot, katim diwai namel long 5 na 7 yia.

Ol wok agroforestri: Ol i save yusim dispela spisis insait long ol taungya sistem. Bikos em i save groa kwiktaim na lip o het bilong em i save pas na bikpela hariap, olsem na yu mas planim ol wantaim bikpela hap spes namel long lusim inap moa long wanpela yia pastaim long yu katim long wanwan yia. Dispela spisis i gat strongpela allelopathic lek bilong en we i save daunim strong bilong em long groa bung wantaim ol arapela diwai.

Isten Hailans rais kamapim histori

James Kila i raitim

WANPELA kain rais ol i groim long isten Hailans i brukim rekot insait long wol long karim kaikai bilong em 13-pela taim olgeta long wanpela mama as tasol em ol i bin planim long en namba wan taim tru.

Dispela rais em ol i save groim long drai graun na i no long wara na nem bilong em "Golden Maunten Nambawan" na as ples tru bilong dispela rais em long Fujian provins long kantri.

Ol saveman bilong Saina olsem Profesa Lin Zhanxi i bin karim dispela ripot i go long Saina na toktok long wanpela konfrens long Fujian Agrikalsa na Forestri Yunivesiti JUNCAO Risets Institut na planti lain i guria stret.

Long ripot ol lain saveman bilong JUNCAO husat i go pas long bringim dispela rais long isten Hailans i rokaut olsem ol i bin planim rais ya namba wan taim tru long Mas 9, 2000 na namba wan taim ol i kisim kaikai bilong en em long Julai 25, 2000.



• Ol saveman wantaim ol lain long Fimito long Goroka i kisim rais long gaden.

tasol em i brukim rekot lon karim 13-pela taim.

Ol lain saveman bilong Saina husat i bringim dispela rais "Golden Maunten Namba 1" i go long isten Hailans i tokaut olsem gutpela graun na san na ren long provins i mekim na dispela rais i brukim tru rekot na winim ol arapela wan kain rais ol i groim long ol kantri long Esia na Afrika. Nau yet planti ol liklik manmeri

Xi Jinping i bin sainim wanpela agrimen long wok bung wantaim bipo Gavana bilong Isten Hailans, Peti Lafanama. Insait long dispela agrimen drai ten rais em ol i putim olsem wanpela helpim i go long isten Hailans provins na ol lain bilong Fujian Agrikalsa na Forestri Yunivesiti JUNCAO Risets institut bai kari-maut wok stat long mun Me 2000.

Profesa Lin Zhanxi, husat i go pas long ol dispela saveman bilong Saina aninit long JUNCAO projek i bin kirapim namba wan wok long wanpela ples Nagamiufa klostu long Goroka long dispela taim. Long dispela bes long ples Nagamiufa ol saveman bilong Saina i mekim 4-pela kain wok em long wokim eksperimen, soim wok o demonstresen, givim trening na kamapim ol rais olsem kuru long gaden.

Bihain long dispela ol i bringim aut dispela wok i go long ol wan wan ples na hauslain insait long ol distrik long isten Hailans provins. Inap long mun Jun 2004 ripot i soim olsem ol dispela lain saveman bilong Saina i givim helpim long moa long 1020 liklik ol fama long hauslain.

Gavman bilong Saina na PNG i amamas tru long dispela wok ol lain JUNCAO i mekim long kamapim drai ten rais insait long isten Hailans provins.

Embeseda bilong Saina i kam long PNG wantaim Komesal kaunsela i bin mekim lukluk raun bilong ol i go long dispela projek long isten Hailans na i amamas long kain wok i kamap long bringim kain teknoloji o save i kam long helpim ol pipel long PNG.



• Ol saveman bilong JUNCAO i wasim ol as bilong rais long mekim stadi long wara Kefamo klostu long Goroka.

Ol Foto: James Kila

Insait long dispela taim ol i bin kisim 6.75 tan long wanpela hekta. Long namba tu taim ol i kisim kaikai bilong rais long dispela wanpela mama as em long Januari 9, 2000 e ol i kisim 6.3 tan long wanpela hekta olgeta. Namba tri taim dispela rais i karim kaikai mak bilong en 4.16 tan insait long wanpela hekta. Maski olsem ol tan i go daun bilo bikos rais ya i wok long go lapun,

long ol hauslain long isten Hailans i groim dispela rais na masinim na kaikai wantaim ol famili bilong ol long ples. Sampela lain long isten Hailans i pekim rais na salim tu long maket na sampela i salim pinis long stua na dispela i givim kompetisen long ol arapela rais i stap long stua.

Long Me 16, 2000 Gavana bilong Fujian provins long Saina,

McCARTHY & ASSOCIATES (FORESTRY) PTY. LTD.

National & International Forest Consultants

mccaf@datec.net.pg

"Long kisim tok stia long olgeta wok diwai"

Cat D3G, D4G, D5G, Track-Type Tractors

Rugged construction, outstanding reliability - everything you expect from Caterpillar and more!



Outmanoeuvre every job you tackle.

A single lever joystick controls speed, direction and steering on Cat "G" Series III Hystat Track-Type Tractors. Full powerturn capability is made possible by maintaining power to both tracks at any ground speed or turning radius.

- **Power Train** - Offering powerful six-cylinder Cat® 3046 engine that provides the power you expect from Cat tractors, and the productivity you need to increase your profitability.
- **Undercarriages** - Undercarriages are rugged with strong, durable components for long wear life and lower costs.
- **Operator Stations** - Excellent visibility down to the cutting edge, ergonomically designed controls and fully adjustable armrests for optimum comfort and productivity.

Hastings Deering



PORT MORESBY
Phone: 300 8300
Fax: 325 0141

LAE
Phone: 472 2355
Fax: 472 1477

TABUBIL
Phone: 548 9045
Fax: 548 9155

RABAUL
Phone: 982 1244
Fax: 982 1129



Radio Australia
Tok Pisin News

101.9FM Port Moresby

Tok Pisin Service
6am - 7am : 8000, 7240(KHZ)
7pm - 9pm : 5995, 6020, 6710, 1280(KHZ)

RADIO TOK PISIN PROGRAM
TUNE IN: 101.9 FM

Radio Australia Tok Pisin Program - stat long mun
Mae 2005

MANDE
Morning
6AM Stesen Op - Nius na Karen Afeas
6.30AM Oi Hetaim - Musik na Chat
6.55AM Hetaim na Musik
7AM Stesen Pas
Nait
7PM Stesen Op
7.01PM Oi Hetaim na Program Priviu
7.15PM Spots
7.30PM Nius na Karen Afeas
8PM Hetaim
8.15PM Musik
8.30PM NIUS
8.40PM Spots Riplei
8.55PM Musik
9PM Stesen Pas

TUNDE
Morning
6AM Stesen Op - Nius na Karen Afeas
6.30AM Nius Hetaim - Musik na Chat
6.55AM Hetaim na Musik
7AM Stesen Pas
Nait
7PM Stesen Op
7.01PM Oi Hetaim na Program Priviu
7.15PM Musik na Chit-Chat
7.30PM Nius na Karen Afeas
8PM Mama Graun
8.15PM Musik/Spots
8.30PM NIUS
8.40PM Hetaim Riplei
8.55PM Musik
9PM Stesen Pas

TRINDE
Morning
6AM Stesen Op - Nius na Karen Afeas
6.30AM Oi Hetaim - Musik na Chat
6.55AM Hetaim na Musik
7AM Stesen Pas
Nait
7PM Stesen Op
7.01PM Oi Hetaim na Program Priviu
7.15PM Musik na Chit-Chat
7.30PM Nius na Karen Afeas
8PM Focus
8.15PM Musik/Spots
8.30PM NIUS
8.40PM Mama Graun Riplei
8.55PM Musik
9PM Stesen Pas

FONDE
Morning
6AM Stesen Op - Nius na Karen Afeas
6.30AM Oi Hetaim - Musik na Chat
6.55AM Hetaim na Musik
7AM Stesen Pas
Nait
7PM Stesen Op
7.01PM Oi Hetaim na Program Priviu
7.15PM Musik na Chit-Chat
7.30PM Nius na Karen Afeas
8PM Youth
8.15PM Musik/Spots
8.30PM NIUS
8.40PM Focus Riplei
8.55PM Musik
9PM Stesen Pas

FRAIDE
Morning
6AM Stesen Op - Nius na Karen Afeas
6.30AM Oi Hetaim - Musik na Chat
6.55AM Hetaim na Musik
7AM Stesen Pas
Nait
7PM Stesen Op
7.01PM Oi Hetaim na Program Priviu
7.15PM Musik na Chit-Chat
7.30PM Nius na Karen Afeas
8PM Wantok
8.15PM Musik
8.30PM NIUS
8.40PM Youth Riplei
8.55PM Musik
9PM Stesen Pas

SARERE
Morning
Sotwev i pas long san na long nait i save kamap 2 minit pastaim long wanwan aua. Bihain i gat musik na promo i go inap long olgeta aua na tusim FM siknel.
Nait
7PM Stesen Op
7.01PM Oi Hetaim na Program Priviu
7.15PM Musik na Chit-Chat
7.30PM Nius / Wantok Riplei
8PM Serah (Familii bilong Serah)
8.15PM Musik
8.30PM NIUS
8.40PM Musik na Chit-Chat
8.55PM Musik
9PM Stesen Pas

SANDE
Morning
Sotwev i pas long san na long nait i save kamap 2 minit pastaim long wanwan aua. Bihain i gat musik na promo i go inap long olgeta aua na tusim FM siknel.
Nait
7PM Stesen Op
7.01PM Oi Hetaim na Program Priviu
7.15PM Musik na Chit-Chat
7.30PM Nius / Serah Riplei
8PM Riviu
8.30PM NIUS
8.40PM Musik na Chit-Chat
8.55PM Musik
9PM Stesen Pas

TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.

PASIFIK NA WOL NIUS

RAMSI mas lukluk long ol narapela hevi: Roughan

WANPELA memba bilong Pacific Forum Eminent Persons grup em i bin wok long glasim wok bilong Regional Assistance Mission long Solomon Ailan i tok ating ol i mas senisim nau lukluk ol tingting long wei RAMSI i mekim wok bilong en.

Dispela grup i bin go raun long Solomon Ailan bihain long Solomons Gavman i bin askim ol long go. Em i bin painim olsem i gat bikpela sapot i stap long RAMSI i stap na wok bilong stretim gen gutpela sidaun long kantri.

Tasol, Dokta John Roughan, wanpela memba bilong Solomon Ailan Civil Society Group i tok ating RAMSI i mas nau lukluk long ol narapela hevi olsem long ol nogut pasin bilong katim diwai. Dokta Roughan i tok ol i bin katim moa

long wan millien kubik mita ol log o diwai long Solomon Ailan long yia igo pinis. Dispela em i 4-pela taim moa winim sustainable rate o mak long ol diwai i ken gro bek gen.

Kaikai i sot long ol Reef Island bilong Solomons

Oi ripot i kamap olsem kaikai i sot long ol Reef Islands bilong Solomon Ailan. Dispela i mekim na planti toktok i kamap long o li mas painim kwik imejensi helpim long ol.

Solomon Star niuspepa i ripot olsem, ol kain senis long weda em i no wankain olsem pipel i save lukim bipo na olsem long longpela taim bilong bikpela san namei long yia 2004 na bihain ol bikpela ren i pundaun stat long mun Februari i kam inap nau, i mekim na kaikai i sot.

Oi gaden kaikai olsem taro, kumara na

tapiok i no kamap gut.

Ripot i tok pasin we pipel i save planim ol dispela samting long sem graun oltaim i daunim gris bilong graun wan-taim tu ol kain taim nogut.

Pacific Plan ino tingim ol meri: Buadromo

SAMPELA Pasifik meri ogenaisesen i tok i luk olsem dispela Pasifik Plen ol i toktok long en i no luksave long gender o-rait bilong man na meri. Dispela Pasifik Plen em i plen bilong Pasifik Ailan Forum bilong hariapim ol kain developmen.

Virisila Buadromo, kodineta bilong Wimen's Rait Muvmen long Fiji tok ol i kolim jenda wanpela taim tasol insait long dispela Pasifik Plan pepa. Em i laikim plen long luksave tu long intanesenel konvensen em ol Pasifik Gavman i luksave pinis long en.

PASIFIK BEAT

Australia Oposisen givim strongpela tok tok long AAP lusim PNG

OL i rausim ol Australia polis long Papua Niugini na ol i go bek pinis long Kenbera. 115 polis opisa i bin lusim PNG bihainim PNG Suprim Kot disisen long las Fraide we i painim olsem ol polis bilong Australia i no bihainim lo na stap wok aninit long ECP Program long PNG. Foren minister bilong Australia Alexander Downer i bilip olsem em bai tok tok wantaim gavman bilong PNG long dispela samting long kism grup i go bek wok na helpim long stretim lo na oda hevi long PNG. Tasol Oposisen bilong Australia i kros long wei Australia gavman i wokim dispela samting na tok em i mekim samting i go bikpela olgeta.

Husat i askim : Kim Landers
Husat i bekim: John Lawler, Ekting Federel Polis Komisina bilong Australia, Peter Cosgrove Australia Ami Bos, Alexander Downer, Foren Minista, Kevin Rudd, Oposisen Foren Afeas Mausman

LANDERS: Em i gat olgeta mak bilong opisel welkam i kam bek long ples- militeri ben i pilai, ol famili i amamas long lukim 115 polis manmeri bilong Australia i go bek.

Kamap bilong ol long Kenbera long dispela apinun taim em i ren i no taim bilong ol long go bek- na Ekting Federel Polis Komisina John Lawler i bin luksave long dispela.

LAWLER: I nogat makim long taim we AAP (Australia Asisitng Polis) i ken kam bek long kantri. Sapos yupela i kism ren i kam bek, mi bilip strong olsem bai yupela i gat planti sapot long Kenbera na ol ples klostu. Mi ting olsem kol weda long hia i no gutpela welkam bek long yupela.

LANDERS: \$800 milien (K2 Bilien) we Australia i bin katim long helpim kamapim gut polis fos long PNG i pinis bihain long 6-pela mun tasol. Oi i katim sot misin bihainim disisen bilong Suprim Kot we i tok dispela eid o helpim program bilong Australia long PNG.

Oi i bin sainim ECP Program Agrimen long las yia Jun bihain long tupela kantri i holim ol bikpela na longpela paitim tok long dispela samting. Tasol Suprim Kot bilong PNG i tok ol pawa we ol bin givim i go long ol Australia Polis em lo i no tok oraitim na givim imyuniti o banisim long mekimsave long ol plis manmeri na ol narapela wokman i kam aninit long ECP program.

DOWNER: Yumi no bosim Suprim Kot bilong PNG, tasol

em i wokim disisen pinis. Long dispela disisen, bai mipela i sindaun wantaim PNG Gavman long tupela de i kam na toktok long wanem rot yumi ken bihainim long stretim dispela samting we Suprim Kot i rausim. Sapos yumi ken stretim dispela ligel hevi na mi bilip mipela i ken, ol i ken kism ol i go bek wok.

LANDERS: Foren Minista Alexander Downer i gat bilip long toktok wantaim PNG gavman long ol de i kam long traim kirapim bek program. Mausman bilong Foiren Afeas wantaim Oposisen Kevi Rudd i sutim tok long Gavman bilong Australia long i no stretim gut ligel sait pastaim.

RUDD: Mista Downer i bin ting olsem em i man tru na go long hap na toktok wantaim ol, wokim toksave long \$800,000 milien (K2 bilien) program, tokim yumi olsem olgeta samting long sait bilong lo i karamapim dispela program i orait. Na nau, olgeta samting i pundaun na bagarap. Mista Downer i mas karim hevi long dispela.

LANDERS: Nau em i wok long tokim gavman long stretim dispela hevi na i tok Australia i gat wok long helpim PNG i stretim lo na oda hevi.

RUDD: Bikos long dispela, Leba Pati i sapotim dispela helpim

projek. Tasol mipela i bin givim sapot bikos mipela i ting olsem Mista Downer husat i bin stretim tu olgeta samting long ligel sait. Long dispela as na yu save peim Mista Downer, long dispela as na yu save peim Dipatmen bilong Mista downer olgeta mani long peim olgeta spesel ligel etvaisa na ol arapela long lukim olsem yu gat olgeta samting i stret long bikpela program olsem i go gut. Em i kia olsem bikpela asua i kamap long en.

LANDERS: Tasol Mista Downer i tok Leba i nogat as long wokim ol strongpela toktok egensim em.

DOWNER: Mi ting olsem Leba Pati i no bin wokim gut PNG long ol yia em bin stap long gavman. Ol program bilong Leba Pati i no helpim PNG liklik.

LANDERS: Taim olgeta polis manmeri bilong Australi i kam bek pinis long kantri, liklik lain Didens Fos lain i stap yet long PNG. Bos bilong Difens Fos Jenrel Peter Cosgrove i tok disisen bilong kot i no karamapim ol.

COSGROVE: Long sait bilong ami, em i nogat samting. Mipela i gat liklik lain ami i stap long hap aninitim long narapela program. Mi bilip strong olsem ol bai orait.


2005 ARAFURA GAMES
LONG NEIGHBOURS

BIHAINIM TIM BLONG PNG LONG ARAFURA GAMES LONG RADIO AUSTRALIA.

STAT LONG SARERE 14 MAY, TOK PISIN SEVIS BAI RIPOT OLKETA DE IKAM LONG GAMES, TAIM JOHN PAPIK I BIHAINIM PNG TIM NA RIPOT LONG NIUS NA STRONG BLONG OL LONG PILAI.

Mande nait long 7.15 igo long 7.30 & 8.40 igo
Tunde igo long Fraide nait long 8.15 igo long
Sarere May 22nd long 8.40 igo nap long 8.55 bilong harim
raun-ap blong Games

101.9FM
Port Moresby



Rekot bilong Stet ov Orijin

Yia Orijin pilai i stat: 1980

Namba bilong ol pilai i kamap namel long 1980- 2004: 72

Win- NSW: 35; QLD: 35

Dro- 2

Siris win- NSW: 11; QLQ:10;

Dro- 2

Bikpela win: NSW 56-16 Stedum Australia Jun 7, 2000

QLD 36-6 Lang Park Mei 23, 1989; 36-6 Suncorp Stedum Julai 16, 2003

Pilai we skoa i daunbilo tru: QLD 2, NSW 0 Sydney Futbol Stedum, Mei 15, 1995

Pilaia husat i kamap planti taim- NSW: Brad Fittler 31 pilai; QLD: Allan Langer 34

Referi husat i referim planti Orijin pilai: Bill Harragan 21 1991-2003

Pilaia husat i putim planti trai: NSW Michael O'Connor 11; QLD Dale Shearer 12

Pilaia husat i kikim planti gol: NSW Michael O'Connor 42; QLD Mal Meninga 69

Pilaia husat i gat bikpela Orijin point: NSW Michael O'Connor 129; QLD Mal Meninga 161

Olpela Orijin pilaia: NSW John Ferguson 34 Jun 28, 1989; QLD Allan Langer 35 Jun 26, 2002

Yangpela Orijin pilai: NSW Brad Fittler 18 Mei 30, 1990; QLD Ben Ikin 18 Mei 15, 1995

Maroons makim pilaia long stail, Blues makim pilaia long save

OL Maroons i Williams bilong brukims pasin long kisim ol pilaia husat i save pilai stail na ol Blues i kisim ol pilaia we ol i gat save bilong pilai long dispela namba 2005 Stet ov Orijin pilai we bai kamap long Lang Pak long Brisbane long Trinde wik i kam. Tupela sait wantaim i makim ol sampela ol nupela pilaia olsem winga Matt King na seken rowa Anthony Watmough bilong NSW na hapbek Jonathan Thurston na winga Ty Williams bilong Kwinslen. Bikpela kirap nogut em long Kuinslen i kalapim Penrith Panther fulbek Rhys Wesser husat i wok long kamapim ol gutpela pilai na husat i mekim gutpela wok bilong ol Maroons long 2004 na kisim Storms fulbek Billy Slater. Makim bilong ol Blues i no mekim ol man i kirap nogut. Watmough na King i bin soim gutpela pilai na olsem em i gutpela tupela i stap.

Kwinslen go insait olsem fevoret

KWINSLEN bai go insait long Orijin siris bilong dispela yia olsem fevoret tru maski oltaim ol i bin go insait olsem andadok.

Nau ol bukmeka o lain husat i save pilai laki long husat bai win i tokaut olsem ol i lusim Niu Saut Wels na lukluk long Kwinslen olsem fevoret.

Long bet ol i putim maket bilong Kwinslen olsem \$A1.75 na Niu Saut Wels long \$A1.83.

"Dispela em i namba wan taim Kwinslen i statim siris olsem fevoret," Spots Tebloid ripota Glenn Munsie i tok.

Long 2003 em wangepa taim we Kwinslen i go pas long lukautim ol pilai na olsem em i stat olsem fevoret. Long dispela taim ol lain husat i bet na makim NSW i winim gut mani long dispela.


Namba tu pilai bilong las yia i wangepa bilong ol pilai we Kwinslen i go insait olsem fevoret.

Tasol planti taim long Orijin siris Kwinslen i save go insait olsem

andadok planti taim em long yusim dispela tingting long wilwilim ol Blues. Long wangepa bilong dispela kain ol pilai wangepa biknem bilong Maroons Trevor Gillmeister husat i kisim bagarap i silip long bet we ol i pamim wara i go insait long han bilong em i rausim dispela wara, go aut long bet na pilai long helpim Kwinslen i win.

Long pilai bilong nau em i tok olsem: "Em samting mipela i no save laik long toktok long en, tasol dispela tingting (winim Blues) i stap long baksait het bilong mipela. Ating dispela tingting i bin helpim sampela pilaia. Tasol mipela i no inap lukim mipela olsem fevoret (long dispela yia).

Tasol wangepa biknem Blues pilaia bipo Brett Kenny i tok: "Mi ting olsem bipo long taim pilai i stat we sapos em i de o wangepa awa bipo, NSW bai ron yet olsem fevoret. "Dispela kain tingting i ken kamap sampela yia i go pinis tasol nau nogat.



• NSW Blues pilaia (fran long lep han)- Brett Kimmorely, Mark Gasnier na baksait em Steve Simpson na Luke Rooney.



• Billy Slater, Storm fullbek husat bai stap fulbek bilong Kwinslen Maroons long Stet ov Orijin. Foto: AAP

Raun 11

Fraide, Mei 20 - Parramatta Eels vs Manly Sea Eagles. Yu ken lukim long EMTV long 8.30 long nait.



Sarere, Mei 21 - Canterbury Bulldogs vs Melbourne Storms
Newcastle Knights vs Dragons
South Sydney Rabbitohs vs NZ Warriors

Sande, Mei 22 - Penrith Panthers vs Cronulla Sharks. Yu ken lukim dispela long EM TV long 4:00-6:00 avinun.



Canberra Raiders vs West Tigers

Bai: Sydney City Roosters, Brisbane Broncos na North Queensland Cowboys

NRL Poin Lata

Klab	P	W	D	L	B	P/D	Pts
1 Broncos	10	8	0	2	0	77	16
2 Sharks	9	7	0	2	1	60	16
3 Sea Eagles	9	7	0	2	1	59	16
4 Raiders	9	6	0	3	1	8	14
5 Storm	9	5	0	4	1	121	12
6 Cowboys	10	6	0	4	0	14	12
7 Eels	9	5	0	4	1	1	12
8 Roosters	10	5	0	5	0	13	10
9 Dragons	10	5	0	5	0	-2	10
10 Wests Tigers	9	4	0	5	1	-25	10
11 Warriors	9	3	0	6	1	4	8
12 Panthers	10	4	0	6	0	-6	8
13 Bulldogs	9	3	0	6	1	-19	8
14 Rabbitohs	9	2	0	7	1	-125	6
15 Knights	9	0	0	9	1	-180	2

* P: Pilai, W: Win, D: Dro, L: Lus, B: Bye, P/D: Poin Diferens, PTS: Poin

Top 10 poin skora

Pilaia	Tim	Poin
1. Hazem El Masri	Bulldogs	102
2. Luke Covell	Sharks	88
3. Josh Hannay	Cowboys	78
4. Brett Hodgson	Sharks	78
5. Michael Witt	Manly	78
6. Luke Burt	Parramatta	74
7. Clinton Schifcofske	Raiders	74
8. Darren Lockyer	Broncos	73
9. Preston Campbell	Rabbitohs	66
10. Matt Orford	Storm	60



• Kwinslens Stet ov Orijin kosa Michael Hagan i bilip ol selekta bilong Maroons tim i makim 6-pela Cowboy pilaia na 5-pepa Broncos pilai i makim gutpela tim we i ken kamapim win.

Bombers go pas

Paul Zuvani i raitim

LBC Lae Bombers nau i go pas bihain long ol i winim Mabey & Johnson Muruks long namba tu win bilong ol long namba tu raun bilong SP Kap pilai.

Las wik ol i winim Mt Hagen Chemica Cowboys na long las Sande ol i wilwilim gut Muruks 42-22 long Lae ragbi lig pilai graun.

Long ol narapela pilai Agmark Guria i winim Toyota Enga Mioks 18-10, Pot Mosbi Monier Broncos kalapim Coca-Cola Goroka Lahanis 32-25 na Pot Mosbi Brian Bell Bulldogs kaikaim Chemica Cowboys 18-14.

Ol Bombers, Gurias na Broncos wantaim i winim tupela pilai na olsem olsem olgeta i gat foapela poin wantaim. Bulldogs na Mioks i gat tupela poin na Lahanis, Cowboys na Muruks i no winim wanpela pilai yet na olsem ol i gat kiau.

Long pilai bilong Bulldogs na Cowboys long Lloyd Robson pilai graun faiv eit Charlie Wabo i kamapim gutpela pilai we i lukim ol i kamapim namba



• Brian Bulldogs habbek Kima Geno (rait kona) i sutim bai i go long Cowboy pilaia husat i hapim krangki em long pilai. Hia ol opisel i stretim hevi bilong em.

wan win bilong ol.

Long Sande Wabo i karim 8-pela tret long het bilong em bihain long em i kisim bagarap long het bilong em long taim

Bulldogs i pilaim Gurias long Kokopo long narapela wik i go pinis.

Tasol dispela i no bin pasim em long pilai long wanem em i

save olsem Bulldogs i no tim nating maski Cowboys i laik mekimsave long ol.

Long dispela as em i kamap Man-ov-Mets bihain long pilai na kisim SP Kap jesi long ol oganaisa.

Moa long dispela em i skoaim wining trai we lukim Bulldogs i go pas gen bihain long ol Cowboys i go pas long 14-12.

Na wantaim gutpela sapot long beklain and strongpela difens dispela i helpim ol Bulldogs long sanap strong inap long ful taim.

Tasol tru tru Cowboys inap win sapos ol i bin inap brukim difens bilong Bulldogs. Ol i bin gat planti sans long trai lain bilong Bulldogs taim ol Bulldogs i mekim ol asua.

Bulldogs i win bikos long difens bilong ol.

Ol narapela trai i kam long Joseph Omai na Samuel Nap na Emmanuel Palmes i mekim tupela gutpela konvesen na wanpela penolti kik.

Trai bilong Cowboys i kam long prop Peter Noki, Fred Tom na Kupa Rumints na kikim konvesen em Rex Ray.

...i kam long pes 32

SP Kap priviu na riviu

Kepten Stanis Kale bai go pas long givim gutpela tingting long ol boi bilong em na ol bai traim long strongim difens bilong ol egensim ol boi bilong siti Bulldogs.

Bulldogs i gat ol pilaia husat i mekim nem pinis long PNG Kumul na ol i save gut tru long kain stail bilong pilai egensim ol tim husat i laik pilai kaskas long ol. Ol i gat kepten Stanley Hondia na faivet Charlie Wabo husat i ken mekim gutpela gem long las wiken bai sanap long strongim tim bilong Mosbi.

Bulldogs tu i gat wanpela sempion habbek em Geno Kima husat maski kain liklik sais bilong em tasol i save givim planti het pen long ol birua pilaia. Ol narapela husat pilaia husat bai strongim tim em Emmanuel Palme, Joseph Omai, John Kuike, prop Aaron Mulunga na kepten Thomas Ninkama na Samuel Nap.

Kosa bilong Bulldogs em Chris Enara husat bai lukluk long difens long helpim ol manki bilong em i winim Mioks.

Insait long narapela gem bai lukim Mabey & Johnson Mendi Muruks i traim bun wantaim Mt Hagen Chemica Cowboys.

Planti bilong ol dispela pilaia bilong Muruks i no bin soim ol yet pablik tumas tasol gem bilong ol tu i save go wantaim pawa olsem na ol boi bilong Chemica Cowboys i mas was gut.

Cedrick Kengi, husat bipo i pilai wantaim Kumuls bai go pas long ol boi Muruks.

Kosa Anton Mal bai traim long yusim ekspirians bilong em long ritim gut na mekim lainap bilong em gut sapos ol i laik daunim Cowboys long dispela wiken. Ol Muruks i gat gutpela winger olsem Terry Toa husat i gat spit na i ken putim trai sapos ol i givim gutpela bal long em. Ol narapela pilaia husat i ken strongim tim em Wesley Benny na Pim Paita.

Cowboys i gat ol pilaia olsem Peter Nolik na Fred Tom husat bai go pas long ol fowet long traim brukim difens bilong ol lain Muruks. Long beklain em ol lain olsem senta Francis Ray bai lukautim long kirapim spes long larim ol lain bilong ol i go skoa.

Tupela lain husat bai lukautim hap posisen em habbek Issac Wek na faivet Rex Ray i mas kirapim sampela kain rot o spes long kamapim sans long ol beklain na fowet long skoa.

Kosa bilong Chemica Cowboys, Bobby Ako bai glasim gut lain-ap bilong em long dispela wiken bihain long gutpela lus bilong ol egens Brian Bell Bulldogs na ating ol bai givim gutpela salens tru long Mendi Muruks.

Dispela tupela tim Mendi Muruks na Mt Hagen Chemica Cowboys i no winim yet gem bilong ol bihain long raun tu olsem na ol bai givim gutpela salens egensim ol yet long dispela wiken long lukim husat tru bai win na kisim poin.

Long ol narapela gem we bai i kamap long ol narapela senta bai i lukim Monier Broncos i bungim Agmark Rabaul Guria long Mosbi na Coca Cola Goroka Lahanis i bungim LBC Lae Bombers long Lae.

Lamana Gol Klab kamapim orijin spirit

Paul Zuvani i raitim

Gold Klab long Lamana i bin amamasim sampela biknem ragbi lig pilaia bipo na i no long-taim i go pinis long las wik tasol em Mal Meninga husat i kam antap long opim SP Kap lig long Pot Mosbi.

Ol biknem man olsem Meninga husat i krungutim klab na putim nem bilong ol long klab bai oltaim tingting long ol bai stap taim ol Australia Ragbi lig long namba Trinde Mei 25 we em bai amamasim 25 ya Stet Ov Orijin pilai.

Long amamasim dispela nait traim go long Gold Kal we kain samting olsem bai kamap...

• 530-730pm Hepi Awa kisim wanpela fri bia wantaim bafet;

• Minit fri drink long ol hap-taim. Dispela i min olsem taim referi i winim hap taim wisel yu dring wan minit fri drink.

• K10.00 Cocktails & Shooters...Traim ol spesel long ol nait "Blue Blast" o Mad Maroon;

• WIN...Jersey Set + Ball or a K50.00 bar tab long tipping pilai; Amamsim pilai long bikipela TV skrin.

• Hia yu ken lukim Mal Meninga i sanap wantaim wanpela sapota bilong em Joel long Lamana Gold Klab



• Mama Lusim mi... Bikipela fowet bilong Cowboys Rodney Pora i traim ronawe long takel bilong Bulldogs. Bulldogs win 18-14.

Sapotas kros long makim bilong Lahanis tim

James Kila i raitim

BIKPELA bel kros na toktok i bin kamap namel long ol strongpela sapota bilong Coca Cola Goroka Lahanis bihain long tim bilong ol i bin lus nogut tru long han bilong Mosbi Monier Broncos las wiken.

Planti ol sapotas i tok senis i mas kamap long dispela tim bikos ol i no pilai gut tumas na i no soim tru kala bilong Lahanis bilong bipo insait long dispela gem egens Broncos long las wiken.

Monier Broncos i bin bagarapim tru sindaun bilong Goroka Lahanis 34-25.

Dispela em namba tu lus bilong Coca Cola Goroka Lahanis long ples graun bilong ol yet long Sir Danny Leahy oval na dispela i no soim gutpela piksa long dispela tim bilong Isten Hailens. Las tupela wiken i go pinis ol boi bilong Goroka i bin lus long Enga Mioks 13-12.

Long las wiken ol manmeri na ol sapotas husat i baim get long go lukim dispela bikipela pilai i mekim planti toktok kros na belhat tru long kain gem bilong ol pilaia bilong Lahanis. Ol i no strongim

difens bilong ol long banisim ol Broncos pilaia.

Insait long dispela gem las wiken Lahanis i bin go pas long samting olsem 30 minit insait long namba wan hap. Tasol taim ol i lukim olsem ol i go pas difens bilong ol tu i pundaun na ol bagaros bilong Mosbi i abrusim ol tasol na putim ol trai.

Planti ol strongpela sapota i singaut long senis i mas kamap long tim na tu ol selekta bilong Lahanis i mas traim long putim ai long kisim sampela ol pilaia husat i stap long distrik long pilai long tim.

Wanpela sapota husat i bin go lukim pilai namel long Monier Broncos na Lahanis i tokaut strong olsem ol selekta bilong Lahanis i mas mekim raun bilong ol i go long distrik olsem Lufa, Okapa, Unggai-Bena, Henganofi na Daulo na skelim pilai bilong ol yangpela insait long ol viles lig tu na kisim ol i kam pilai long taun. Bikipela toktok i kamap long niuspepa olsem Lahanis em i tim bilong Isten Hailens provins pipel. Tasol olsem wanem na ol i kisim ol pilaia long taun

tasol long pilai insait long dispela tim na ol i lus tupela taim. Ating moabeta ol selekta bilong Lahanis na kosa Leva Tete i mas stat goaut long ol distrik na traim painim ol sampela gutpela ol pilaia husat i ken mekim nem tu long Lahanis.

Dispela lus bilong Goroka Lahanis i mekim planti ol sapota i no wanbel tru na ol i laik senis i mas kamap long tim. Ol i tok olsem planti ol gutpela pilaia olsem winga Jeffrey Bai husat i gat moa spit na tu utility beks olsem Martin Wilson na tu ol fowet olsem Tarzan Malaguna na Lawrence Goive na Sigfred Gande i stap tu long strongim tim.

Ripot i kamap i no long taim i go pinis olsem Toyota Enga Mioks i tingting long kisim Wilson na Gande long pilai long dispela tim bilong Enga. Tasol ol pepa wok i no redi. Dispela wiken Goroka Lahanis bai bungim ol boi bilong Wopa kantri em LBC Lae Bombers long Lae.

Ol sapotas i tok dispela gem bai strong tasol ol boi bilong Bombers bai pilai long graun bilong ol na ol bai winim Lahanis sapos tim i no kamapim gutpela senis na pilai strong.

RAGBI LIG

PNGRFL SP Kap

Sande 22/05/05
 3:00 Monier Broncos vs Agmark Guria- Lloyd Robson graun
 3:00 Mabey & Johnson Muruks vs Chemica Cowboys, Brian Bell Bulldogs vs Toyota Mioks- Goroka
 3:00 Coca-Cola Lahanis vs LBC Bombers- Lae

PRL

Sarere 21/05/05
 PRL 1
 09:30 Puma vs Waliya U17
 10:30 Tarangau vs Royals A
 12:00 Puma vs Waliya A
 1:30 Magani vs Hawks A
 3:00 Brothers vs Dobo Warriors A

PRL 2

09:00 Brothers vs Dobo Warriors U17
 10:00 Magani vs Hawks U19
 11:00 Brothers vs Dobo Warriors U19
 12:00 Magani vs Hawks Res
 1:30 Brothers vs Dobo Warriors Res

PRL 3

09:00 Magani vs Hawks U17
 10:00 Tarangau vs Royals U17
 11:00 Puma vs Waliya U19
 12:00 Tarangau vs Royals U19
 1:00 Puma vs Waliya Res
 2:30 Tarangau vs Royals Res

Sande 22/05/05

PRL 1

09:00 Kone Tigers vs Paga Panthers U17
 10:00 West vs Souths A
 11:30 Defence vs DCA A
 1:00 Kone Tigers vs Paga Panthers A
 3:00 Monier Broncos vs Agmark Guria SPC

PRL 2

09:00 Defence vs DCA U17
 10:00 Defence vs DCA U19
 11:00 Kone Tigers vs Paga Panthers U19
 12:00 Defence vs DCA Res

PRL 3

09:00 Wests vs Souths U17
 10:00 Wests vs Souths U19
 11:00 Kone Tigers vs Paga Panthers Res
 12:30 Wests vs Souths Res

Madang Ragbi Lig

Raun 1: Gem foa:
 Ron Alberts Oval
 Sarere 21/05/05

9:00 Namon Hawks vs Tarangau U/17
 10:00 Royals vs Country Warriors U/17
 11:00 LBC Diwai vs Newtown Panthers U/19
 12:00 Namon Hawks vs Tarangau A risev
 1:00 Royals vs Country Warriors A/Res
 2:00 LBC Diwai vs Newtown Panthers A risev

Sande 22/05/05

9:00 LBC Diwai vs Panthers U/17
 10:00 Namon Hawks vs Tarangau U/19
 11:00 Royals vs Country Warriors U/19
 12:00 LBC Diwai vs Newtown Panthers A
 1:00 Namon Hawks vs Tarangau A
 2:00 Royals vs Country Warriors A

Bai: Brothers

SOKA

PMSA

Sarere 21/05/05

Bisini 1
 08:00 LBC Defence vs Rapatona P/Res
 09:30 Naniu vs Mungkas D1
 10:30 UBOG vs PNG Gardener D2
 11:50 LBC Defence v Rapatona U21
 13:10 Cosmos vs Guria WP
 14:20 Jaha vs Sobou W1
 16:00 Kurti Andra vs Mirel Momase Primia

Bisini 2

08:00 PS Rutz vs University P/Res
 09:30 Souths Utd vs B/Kumuls U21
 10:30 Los Negros vs Guria D1
 11:50 PS Rutz vs University U21
 13:10 PNG Gardener vs PS Rutz WP
 14:20 Sunset vs Cosmos Primia
 16:00 PS Rutz vs University Primia

Sir John Guise Stadium - Oval 1

08:00 Lus Prutz vs Jaha D2
 09:20 Orogen vs Fernor D2
 10:30 Sunset vs Cosmos P/Res
 11:50 Tarangau vs Korion D2
 13:05 KB Utd vs Sobou D3
 14:15 Souths Utd vs B/Kumuls P/Res
 15:30 Badili Utd vs Los Negros U21

16:45 Maset vs Yawatai D3
 Sande 22/05/05

Bisini 1

08:00 Tawala vs Sunset W1
 09:20 LBC Defence vs Souths Utd W1
 10:30 Bavaroko vs Murat D1
 11:50 Murat vs Telikom WP
 13:10 Badili Utd vs Manambu D1
 14:20 University vs WMI Momads WP
 16:00 LBC Defence vs Rapatona Primia

Bisini 2

08:00 Kurti Andra vs Mirel Momase U21
 09:20 Mopi Soweto vs Naniu W1
 10:30 Los Negros vs Mungkas W1
 11:50 Sunset vs Cosmos U21
 13:10 Lamana GFN vs Rapatona WP
 14:20 Cellnet vs Dom Ela Utd D1
 16:00 Souths Utd vs B/Kumuls Pimia

Sir John Guise Stadium - Oval 1

08:00 POM BusColl vs Cellnet U21
 09:20 Guria vs Manambu U21
 10:30 Mirel Momase vs Kurti Andra P/Res
 11:50 Verave vs Telikom D2
 13:05 Raitman vs Markham Yarangs D3
 14:15 Zombies vs Bomana PC D3
 15:30 Moonbi vs Nomads D3
 16:45 Mopi Soweto vs KG Utd D3

Oi pilai namel long wik

Mande 23/05/05

Bisini 2
 16:30 Markham Yarangs vs Sobou U21

Trinde 25/05/05

Bisini 2
 16:30 Bavaroko 3Bies vs Mungkas U21

Bye: Tawala (D2)

LAHI Soka Asosiesen

Sarere 21/05/05
 Pul A - Sir Ignatius Kilage Stadium

08:00 TTC Bullets vs Bugandi U19
 09:15 TTC Bullets vs Bugandi meri
 10:30 TTC Bullets vs Bugandi P2
 11:45 TTC Bullets vs Bugandi P1

Pul A - TTC Oval 1

08:00 Sobou vs Namaemo U19
 09:15 Sobou vs Namaemo meri
 10:30 Sobou vs Namaemo P2

11:45 Sobou vs Namaemo P1
 Pul A - TTC Oval 2
 10:30 PNG Power vs Balob U19
 11:45 PNG Power vs Balob meri
 13:00 PNG Power vs Balob P2
 14:15 PNG Power vs Balob P1

Pul B - Uni Oval 1

12:00 Mungkas vs Sambure U19
 13:00 Mungkas vs Sambure meri
 14:30 Mungkas vs Sambure P2
 16:00 Mungkas vs Sambure P1

Pul B - Uni Oval 2

12:00 Unitech vs Rapatona U19
 13:00 Unitech vs Rapatona meri
 14:30 Unitech vs Rapatona P2
 16:00 Unitech vs Rapatona P1

Sande 22/05/05

Pul A - TTC Oval 1
 08:00 Bugandi vs Namaemo U19
 09:15 Bugandi vs Namaemo meri
 10:30 Bugandi vs Namaemo P2
 11:45 Bugandi vs Namaemo P1
 13:00 Bismark vs Balob U19
 14:15 Bismark vs Balob meri
 15:30 Bismark vs Balob P2
 16:45 Bismark vs Balob P1

Pul B - Uni Oval 1

12:00 Murat vs M/Bay Utd U19
 13:00 Murat vs M/Bay Utd meri
 14:30 Murat vs M/Bay Utd P2
 16:00 Murat vs M/Bay Utd P1

Pul B - Uni Oval 2

12:00 Apotiko vs Guria U19
 13:00 Apotiko vs Guria meri
 14:30 Apotiko vs Guria P2
 16:00 Apotiko vs Guria P1

BASKETBOL

CBL

HOHOLA KOTS

Sarere 21/05/05

Kot 1:
 8:30 Boys - Souths Vs Tamaraws U19 B
 9:30 Souths Vs Tamaraws U19G
 10:30 Souths Vs Tamaraws RW
 12:00 Souths Vs Tamaraws RM
 1:30 Souths Vs Tamaraws AW
 3:00 Souths Vs Tamaraws AM

Kot 2

8:30 Birdwing Vs Jazz U19B
 9:30 Birdwing Vs Jazz U19G
 10:30 Birdwing Vs Jazz RW
 12:00 Birdwing Vs Jazz RM
 1:30 Birdwing Vs Jazz AW
 3:00 Birdwing Vs Jazz AM

Sande 22/05/05

Kot 1:
 8:30 Saints Vs Exodus U19B
 9:30 Saints Vs Exodus U19G

10:30 Saints Vs Exodus RW
 12:00 Saints Vs Exodus RM
 1:30 Saints Vs Exodus AW
 3:00 Saints Vs Exodus AM

Kot 2

8:30 Chariots Vs Titans U19B
 9:30 Chariots Vs Titans U19G
 10:30 Chariots Vs Titans RW
 12:00 Chariots Vs Titans RM
 1:30 Chariots Vs Titans AW
 3:00 Chariots Vs Titans AM

Bai: Muruks

VOLIBOL

FAIRFAX

Sir John Guise Indoor Stadium
 21/05/05
 Kot 1 - Meri

08:30 Telikom vs Fire Fox WAR
 09:30 TI Doria vs Dolphins 2 WAR
 10:30 Freeway Hox vs Kakidos WAR
 11:30 Lagoons vs 14 Mixers WA
 12:30 Fire Fox vs Esi Loan Neibas WA
 1:30 Frenz vs Dolphins WA
 2:30 TI Doria vs Freeway Hox WA

Kott 2 - meri

08:30 Arnotts vs Trans Hi-Way WAR
 09:30 Wet vs 14 Mixers WAR
 10:30 Yonkies vs Seeto Kui POM WAR
 11:30 Badili Hides vs Dolphins 1 WAR
 12:30 Arnotts vs Telikom WA
 1:30 Yonkies vs Trans Hi-Way WA

Kot 3 - man

08:30 Lagoons vs Fire Fox MAR
 09:30 TI Doria vs Telikom MAR
 10:30 Arnotts vs Moukele MAR
 11:30 TI Doria vs Telikom MA
 12:30 Seeto Kui POM vs 14 Mixers MA
 1:30 Kakidos vs Freeway Hox MA
 2:30 Yonkies vs Fire Fox MA


Kot 4 - man

08:30 Kakidos vs 14 Mixers MAR
 09:30 Wet vs Esi Loan Neibas MAR
 10:30 Freeway Hox vs Badili Hides MAR
 11:30 Dolphins vs Frenz MAR
 12:30 Wet vs Esi Loan Neibas MA
 1:30 Dolphins vs Frenz MA
 2:30 Arnotts vs Lagoons MA

Bai: Moukele (MA); Badili Hides (WA)



• Lusim mi... Rodney Pora (wantaim bal)bilong Chemica Cowboys i no laik ol pilai bilong Brian Bell i pasim em long SP Kap pilai long pilai bilong ol long Lloyd Robson graun long las Sande. Bulldogs win 18-14.



• Wanpela taekwondo paitman i givim bek kik long bei bilong wanpela paitman bilong kyokushin karate long Kassman Taekwondo Skul Klub tonamen long las wiken long Pot Mosbi. Oi poto: ANDREW MOLEN

PNG Arafura tim no pilai gut

Paul Zuvani raitim

PNG Wetlifting tim i winim ol namba wan medol bilong kantri long Mande taim sempion Dika Toua i hapim 165 klin na jek na snets long 53 kg divison long winim gol medol.

Toua klostu i diskualifai long hapim ain long namba tri raun tasol i kam bek long fainol taim long winim gol.

Wantaim Toua long ol meri em Guba Hale na Edyline Miso husat i winim silva na brons long 69 kg divison. Na Resena Joe i winim brons long 63kg divison.

Narapela meri Bede Vali long 75kg divison long aste ripot i tok

em i mas winim narapela medol bilong kantri.

Na long ol man David Lih i winim silva na brons long 69 kg divison.

Ol narapela pilai olsem boksing i no winim wanpela medol. Olgeta boksa bilong kantri i lus long namba wan pait bilong ol long Mande tu.

Ol swima tu i traim tasol i no winim wanpela medol yet.

Ol pilai bai go het yet inap long Sarere long dispela wik.

I gat hop olsem PNG tim i mas winim sampela medol long ol etlit bilong mipela sapos ol i mekim gut long pilai bilong ol. Tim bai kam bek long Sande o Mande.



• Wetlifting sempion Dika Toua husat i winim gol na David Liri i sanap amamas wantaim kosa lwila Jacob na menesa Hudu Heni long Darwin, Australia. Foto: PNG ARAFURA TIM

PNG Spot Federesen AGM no kamap gut

Paul Zuvani i raitim

14 nesanel federesen i ronim ol rong spot progrem we i nogat luksave bilong mama bodi, PNG Spot Federesen na Nesanel Olimpik Komiti.

Dispela i bihain long ol i no baim K100 afiliesen fi bilong ol long dispela yia.

Moa yet long gutpela taim bilong ol long kamap na tokaut long stap bilong ol ol i no bin kamap long PNGSF na Olimpik Komiti Enuel Jenerol Miting we i bin kamap long Holiday Inn long las Sarere Mei 14.

Long dispela PNGSF Jenerol Seketeri Sir John Dawanincura Kt OBE i tok kamap bilong dispela ol federesen long miting i no bin gutpela olsem bilong las yia. Las yia moa long 50 pesen federesen i bin kamap na planti i baim

afiliesen fi bilong ol tasol dispela yia namba i daunbilo we 50 pesen bilong ol 39 federesen tasol i bin kamap.

Tasol Sir John i tok amamas long ol koperet bodi husat i kamap long miting. "Planti taim mipela i save stap long strong bilong ol koperet sponsa na ol samting mipela i gat ol i wok long mekim bai i no inap kamap sapos ol i no givim helpim long mani na ol narapela samting," Sir John i tok.

Na presiden bilong PNG Spot Federesen Sir Henry ToRobert Kt OBE i tok tenk yu long mausman bilong ol koperet bodi long kamap.

Ol sponsa husat i kamap em Trukai Industris Daniel Duncan, Mick Nades bilong IBS, Sarenah Pini bilong Theodist na Xavier Victor bilong Tefikom PNG Limited.

Ol memba husat i kamap i givim tok orait

long ripot bilong presiden na Seketeri Jenerol na mani ripot em tresera Tamzin Wardley i givim. Wardley i givim mani plen bilong narapela foapela yia bai go bungim 2008.

Ol federesen memba husat i kamap em PNG Etlitiks Yunion, PNG Archery Asosiesen, PNG Basketbol Federesen, PNG Bowls Asosiesen, PNG Canoeing Asosiesen, PNG Kriket Bod, PNG Dart Federesen, PNG Golf (men) Asosiesen, PNG Golf (meri) Asosiesen, PNG Hoki Federesen, PNG Netbol Federesen, PNG Sofbol Federesen, PNG Skwas Federesen, PNG Swimming Inc; PNG Tennis Federesen, PNG Wetlifting Federesen na PNG Yachting & Boting Asosiesen.

Bikpela ol toktok we ol i paitim toktok long ol em minit bilong miting bipo, 2004 enuel ripot na Odited Financial ripot.

Dell- Kainantu meri inap mekim nem long ron

WANPELA meri husat inap mekim nem olsem Mae Koime, Maria Kaupa na Toea Wisil long ron em 22-ya Salome Dell bilong Onamuga long Isten Hailans provins.

Dell i wanpela gras rut meri olsem Wisil bilong Westen Hailans. Em nau i stap long PNG etletiks tim long go long dispela Julai Palau mini-Gems.

Ol opisel i painimaut save na strong bilong Dell taim em kamap long wanpela nesanel sempionsip long tupela yia i go pinis.

Bihain long dispela taim em i mekim gut na olsem PNG Etlitik Yunion i kisim em long makim kantri we em i ron long Osenia Sempionsip long Townsville long las yia.

Dell i bin ron long 800m na 1500m we em i klokim 2.2 minit na 4.45 minit na dispela i lukim em i winim silva medol.

Long las mun Melanesian Sempionsip long Lae we ol ronmanmeri bilong Fiji, Solomon Ailan, Vanuatu, Not Kwinslen na as ples yet PNG dispela i lukim Dell i mekim gut long ol ron bilong em.

Long 800m na 1500m em i kamap 2.19minit na 5.05m we em i winim gol medol long dis-



• Salome Dell i ron long 1500m long Melanesian Sempionsip long Lae.

pela. Taim bilong em long 800m i bin pesenol bes.

Dell i memba bilong PNG 4 X 400m rilei tim we Cecilia Kumalanmelame, Maria Kaupa na Toea Wisil i stap long em.

Em i stap nau long PNG 4 X 400m rilei tim long mini Gems.

Ol sapota bilong em i hop olsem sapos em i ken skruim yet dispela strong na save bilong em em bai mas stap long PNG long go long 2006 Komenwel Gems long Melbon, Australia.

Dell i wanpela bilong ol meri husat long gutpela wok bilong PNG Etlitik i bin luksave long strong na save long taim em i meri nating long ples.

Nau em i ken go long narapela kantri, lukim ol ples na lainim ol gutpela na nupela wei bilong stap olsem Toea Wisil.

I gat planti moa kain gutpela spotmanmeri olsem Dell na Wisil tasol long narapela spot olsem soka, ragbi o basketbol husat inap kamap gut na mekim nem bilong kantri tasol bikos ol federesen i no mekim gut wok bilong ol planti bilong dispela kain lain em kantri i save abrusim. I mas i gat gutpela spot ol progrem.

Duali nilim Enga Mioks long Tari soka

DAULI Dem Skul long Tari, Sauten Hailans provins i nilim Enga Mioks 3-0 long A gret divison pilai bilong ol man long las wiken.

Ol boi long Wapenamanda husat i stap long Mioks tim i traim strong bilong ol manki Hela tasol Hela i gat kik bek bilong em.

Long go pas long ol "kaime" em kepten Itaki. Itaki i kisim helpim long Rex Kiga, Kenneth Moia na Jenkins Kaiyo we ol i pilai gut tru long lukim

Mioks i mas putim sampela gol.

Ol i bin inap tasol bal ol i sutim oltaim i bin abrusim umben bilong ol manki Hela. Dispela i lukim tupela tim i stap nil wantaim long hap taim malolo.

Long namba tu hap Dem Skul wantaim ol bikpela fowet bilong ol olsem Steven Tumbiako, Samson Hole, Tiki Mara, Joe Yagari na Kiga Belo we ol i pasim toktok na mekimsave long ol Mioks. Banis bilong Mioks i no bin strong na dispela i mekim ol manki

Dem Skul i ron i go insait na sutim bal i isi tasol. Namba wan gol bilong Dem i kam long mid fila Potu Egari husat i putim isi gol bihain long em i kisim bal long lep mid fila Kiga Belo long putim bal i go long kona bilong Mioks, gol pos.

Dispela gol i luk olsem i medsik we dispela i lukim olgeta strong we Mioks i gat long en i lus nating.

Dispela i opim rot tu long ol manki Hela we i lukim ol i pilaim isi pilai long kisim bai long ol manki Mioks.

Dispela kain pilai i go het we i lukim Egari i kisim narapela bal na skoaim narapela isi gol. Skoa nau i sanap 2-0. Joshua Kuri, man husat i mas i stap long helpim tim long difen i no stap na olsem difens bilong Mioks i lus.

Kain hevi i lukim Dem Lope Arawi i putim narapela is gol bilong ol.

Long ol narapela pilai Guria i plai antap long Souths 3-1 na Mendi Naikosi strong tumas long Hela Warriors 1-0.

Hap Hap Spot

Junia Osi rul pilai kam bek

OSI Ruls futbol long PNG (AFL PNG) limited i kamapim tupela moa sempion junia pilai bilong Papua Niugini long spot bilong ol.

Tupela manki em John Vincent na Paul Philip husat i kam bek long Cairns, Australia long Mande bihain long ol i pilai wantaim Cairns Kookaburra sait.

Vincent na Philip i go daun long Australia las mun wantaim PNG anda-16 Binatang skwat husat ol i winim sempionsip long hap na i kam bek.

Ol selekta i kisim Vincent na Philip long gutpela pilai bilong ol na putim ol i go insait long Kookaburra sait we i save makim Cairns insait long ol bikpela gem long Queensland.

Vincent, husat tu i vais-kepten bilong Binatang i kisim "Player-of-the-tournament" awod na i gat toktok olsem sampela ol klab long hap i wok long lukluk long em.

Wanpela development opisa bilong AFL PNG junia development progrem, Willie Yogomin i tok AFL PNG i amamas tru long dispela tupela manki bilong wanem ol i soim olsem PNG i wok long kamapim ol gutpela pilai husat inap long stap namel na pilai strong olsem ol lain long Australia we AFL em i wanpela bikpela gem long ol.

"Dispela i soim olsem junia development progrem bilong mipela i wok long karim kaikai na i no long taim bai mipela i gat sampela ol manki i pilai insait long ol bikpela kompetisen bilong Australia," Yogomin i tok.

Bogia bai kamapim soka tonamen

OL wok rere nau i kamap long Ariangon Katolik Misin stesin long Bogia, Madang provins long holim namba wan John Hickey Kap. Dispela soka tonamen em long makim Bogia memba John Hickey MP na tonamen bai kamap long dispela Julai. Oganaising komiti nau i askim olgeta tim husat i gat laik long pilai long givim nem bilong ol i kam long komiti. Tonamen kodineta Augustine Guarim i tok em i bilip 30 soka tim i soim laik pinis long kamap long dispela distrik tonamen. Bikos dispela em i namba wan taim olsem kain samting i kamap Guarim i tok ol man tasol bai kamapim dispela soka pilai. Na taim ol samting i kamap gut narapela yia bai gutpela long lukim ol meri i kamap na pilai.

Brazil man kamap PNG soka kosa

PAPUA Niugini Futbol Asosiesen i makim man Brazil long nesanel teknikal dairekta bilong em. Na long wankain tu long wok olsem nesanel soka kosa. Marcos Gusmao, 39, bilong Brazil biktaun Sao Paulo. Em i bai mekim wok kontrak long wanpela yia.

Long taim bilong tokaut long makim bilong Gusmao, PNGFA presiden David Chung i tok Asosiesen i makim Gusmao long wanem em i lukim i gat bikpela wok long hapim level bilong ol kosa i go antap.

Em i tok long stap bilong Gusmao em bai lainim ol kosa bilong mipela. "Em bai stap wok wanpela yia tasol na sapos ol samting i go orait em (Gusmao) bai stap longpela taim."

LAE BISCUITS CO.

LAE BISCUITS CO.
BIKPELA NA STRONGPELA

WANTOK SPOTS

LAE BISCUITS CO.

LAE BISCUITS CO.
BIKPELA NA STRONGPELA



• Pes 28
Lukim taim aem long
Bait na Orjin 18-21



• Pes 29 Goroka
sapota no laikim
makim bilong
Lahanis tim

• Pes 31
PNG no pilai gut
long Arafura

Goroka paia long SP Kap

James Kila i raitim

SIR Danny Leahy pilai graun long Goroka bai paia lait long dispela wiken taim 4-pela tim insait long SP inta-siti Kap bai salensim ol yet long lukim husat tru bai win.


Ol gems long Goroka bai fukim Mosbi Brian Bell Bulldogs i pilai egensim Toyota Enga Mioks na Mabey & Johnson Mendi Muruks i traim bun wantaim Mt Hagen Chemica Cowboys.

Dispela tupela gem bai paia lait bikos ol dispela 4-pela tim i gat bikpela tingting long putim poin long poin lata bilong SP Kap kompetisari na ol bai givim olgeta sating long mekim win i kam long sait bilong ol.

Bulldogs i bin winim pinis wanpela gem bilong ol las wiken egensim Chemica Cowboys na bai traim strong tru long daunim ol Mioks. Dispela tupela tim i bin winim wanpela gem bilong ol na bai traim strong tru long daunim ol yet taim ol i bung long Goroka.

Ol boi bilong Mosbi i bin pilim pinis long fes raun bilong kompetisen taim ol i lus long Agmark Rabaul Guria 18-16 na ol bai traim strong tru dispela wiken long daunim Enga Mioks. Kosa bilong Mioks, Toksy Nema bai skelim gut ol lain manki bilong em long traim tupela kamap strongpela difens egensim ol boi bilong Mosbi.

••• I go moa
long pes 29



SPIT...
North Queensland Cowboys spitman Matt Bowen em man ol Maroons bai lukluk long en long opim gem taim Maroons i bungim Blues long Trinde nait - Mei 25.



Queensland Maroons

Billy Slater	(Storm)	Fulbek
Ty Williams	(Cowboys)	Winga
Shaun Berrigan	(Broncos)	Senta
Paul Bowman	(Cowboys)	Senta
Matt Sing	(Cowboys)	Winga
Darren Lockyer (c)	(Broncos)	Faiv-eit
Jonathan Thurston	(Cowboys)	Hapbek
Tonie Carroll	(Broncos)	Lok
Brad Thorn	(Broncos)	Seken Ro
Michael Crocker	(Roosters)	Seken Ro
Petero Cironiceva	(Broncos)	Prop
Cameron Smith	(Storm)	Huka
Steve Price	(Warriors)	Prop

Senis: Ben Ross (Panthers), Carl Webb (Cowboys), Chris Flannery (Roosters), Matt Bowen (Cowboys). Kosa: Michael Hagan



New South Wales Blues

Anthony Minichiello	(Roosters)	Fulbek
Max King	(Storm)	Winga
Mark Cooper	(Broncos)	Senta
Mark Gasnier	(Dragons)	Senta
Luke Rooney	(Panthers)	Senta
Trent Barrett	(Dragons)	Winga
Brett Kimberley	(Sharks)	Faiv-eit
Ben Kennedy	(Sea Eagles)	Hapbek
Craig Pridemore	(Roosters)	Lok
Rathan Hanigan	(Eels)	Seken Ro
Jason Ryan	(Dragons)	Seken Ro
Denny Buderus (c)	(Knights)	Prop
Luke Bailey	(Dragons)	Huka

Senis: Craig King (Roosters), Steve Simpson (Knights), Andrew Ryan (Sharks), Anthony Watmough (Sea Eagles), Matt Stone (Knights). Kosa: Ricky Stuart



BUNGA STRONG...
Strong bilong Sydney Roosters yalub Craig King long pabes bilong long olgeta team ol Blues long daunim long Goroka. Dispela yla planti manki olgeta Maroons bai daunim Blues.

PowerMate 950L Generator

BAIM POWERMATE 950L GENERATOR NA KISIM TUPELA FLUORO LAMP WANTAIM CORDS NA POWERBOARD FREE!

SPECIFICATIONS:

- 650w Generator
- 2 Stroke Engine
- Runs on Zoom fuel
- 4 & 1/2 Hours on full load
- With Australian/PNG Standard Socket

Model: 950L

BACK BY POPULAR DEMAND!

FREE GIFT!

2 x Fluorescent 18W 600mm with plug-in cord and 2 x 5m extension lead

1 x 4 Outlet Powerboard

K559

Price inclusive of GST

BACKED BY BRIAN BELL'S WARRANTY, SPARE PARTS & SERVICE

Brian Bell's Shop with a friend

Port Moresby 325 5411 Powercentre 325 8066
Lae 472 3200 Toptown 479 1918 Madang 852 1899 Goroka 732 1622 Mt Hagen 542 1999 Kokopo 962